



藝海珠塵

14  
1627  
49





門 44  
號 1627  
卷 49



茶餘客話 十

阮葵生纂

南匯 吳 省蘭 泉之輯  
錢塘 吳 華 希赤校

御窑磁器超越前代規模款識多出刑部主事劉伴阮  
監製伴阮名源又有郎窑巡撫廷佐所造仿古酷肖今  
之所謂成宣者皆郎窑也又熊窑亦不多讓近則年窑  
唐窑皆入賞鑒  
成窑酒杯有名高燒銀燭照紅妝者一美人持燈看海

每本

茶餘客話卷十

早稻田大學圖書部  
25 10.30  
購入



棠也錦灰堆者折枝花果堆四面也雞窰者上畫牡丹  
下畫子母雞也鞦韆杯者士女秋千也龍舟杯者鬪龍  
舟也高士杯者一面畫茂叔愛蓮一面畫淵明對酒也  
娃娃杯者五嬰相戲也其餘滿架葡萄及香草魚藻瓜  
茄八吉祥優鉢羅花西蕃蓮梵書名式不一皆描畫精  
工點色深淺磁色瑩潔而堅雞缸寶燒碗硃砂盤最貴  
價在宋磁之上朱竹垞稱芳草雞缸當亦牡丹之類余  
舊藏酒器皆雞冠花下子母雞凡五其式必多當不止  
此數種也

龔春壺式茗具中逸品其後復有四家董翰趙良袁錫

其一則時鵬大彬父也大彬益擅長其後有彭君寶龔  
春陳用卿徐氏壺皆不及大彬彬弟子李仲芳小圓壺  
製精絕又在大彬之右今不可得近時宜興砂壺復加  
饒州之鑿光采射人卻失本來面目陳其年詩云宜興  
作者推龔春同時高手時大彬碧山銀槎濮謙竹世間  
一藝皆通神高江邨詩云規製古朴復細膩輕便堪入  
筠籠攜山家雅供稱第一清泉好瀹三春蕙昔杜茶邨  
稱澄江周伯高著茶茗二系表淵源支派甚悉  
陸子剛治玉鮑天成治犀朱碧山治銀濮謙治竹又嘉  
興王二漆竹蘇州姜華雨蕩菴竹趙良璧黃元占歸懋



德治錫李昭一作荷葉李馬勳治扇周柱治鑊嵌呂愛  
山冶金玉小溪治瑪瑙蔣抱雲王吉治銅雷文張越治  
琴范昌白治三弦子楊茂張成治漆器江千里治嵌漆  
胡四治銅鑪談氏箋顧氏繡張氏鑪洪氏漆孫春陽燭  
又文衡山非方扇不書及近時吳興薛晉侯銅鏡歛曹  
素功製墨吳穆大展刻字顧青娘王幼君治硯張玉賢  
火筆竹器皆名聞朝野信今傳後無疑也濮謙壬午生  
與蒙同庚嘗贈詩云滄海茫茫感劫塵靈光無恙見遺  
民少將楮葉供游戲晚向蓮花結淨因杖底青山爲老  
友窗前翠竹似閑身堯年甲子欣相並何處名山許卜

鄰

陸放翁詩遊山雙不借取水一軍持古今注漢文帝履  
不借以臨朝漢時已有草履矣軍持淨瓶也出佛經賈  
島詩我有軍持憑弟子岳陽江裏汲寒流隱背肥背也  
李鄴侯以松樛枝作隱背備提酒器也見說郛唐詩亦  
有用者護朽見菽園雜志滑稽吸酒曲器名零丁尋人  
招帖也剛卯古佩印名模稜捫捺也可左可右佛影竹  
也見清異錄君遷牛奶柿司馬溫公名苑云君遷子如  
馬奶律令雷邊鬼捷與雷同速見桂苑叢談藕覆婦人  
膝鞵始於楊妃見致虛雜組璘籍籟箔也見女紅餘志



響箭今之髀頭見宋書驃馬扇馬見唐書柝斫木札也  
湖諫吹脣作聲鬻栗葭管卷蘆爲頭截竹爲管卽笳管  
蒸餅卽胡餅並見筆塵裝潢見唐六典筆神曰佩阿覘  
神曰淬妃墨神曰回氏紙神曰尙卿筆神又曰昌化瑟  
曰文鵠笙曰采庸鼓曰送君鐘曰華由磬曰洗東皆仙  
樂俱見致虛雜組篋梳一名落塵又名洛成見奚囊橘  
柚不落爲酒杯不律爲筆扶老柳櫪皆杖名見表異錄  
麥光紙栗尾筆見坡詩溺器曰夜瀦見唐人集通峭承  
梁小柱也蘇頌詩自知伯起難通峭不及淳于善滑稽  
魏收有通峭難爲之語匹製卽今之沓杯俗名套杯外

大內小古人不通五六古今詩話刁約使契丹詩曰儀  
行三匹製交闊今帳房之類交木而支如交椅之稱胡  
床卽交椅

六經無茶字始見王褒僮約爾雅檟苦茶茶卽茶也然  
古人多稱飲茶始於三國吳志韋曜傳孫皓每飲羣臣  
酒以七升爲限曜飲不過二升或爲裁減或賜茶茗以  
當酒又飛燕別傳后夢見帝賜坐命進茶左右奏云尙  
侍帝不謹不合啜此茶然則西漢時已有之又謝安詣  
陸訥但設茶果至晏子春秋食脫粟之飯炙三戈五卯  
茗菜非飲茶之謂開元中靈岩寺有降魔師教人不寐



人多作茶飲因以成俗見續博物志物類相感志芽茶得鹽不苦而甜古人煎茶必加薑鹽余在杭州有詩云詩人偏好事何苦著薑鹽未免爲古人所嗤然烹茶取甜予所不解安能起古人而問之今內廷皆用熬茶尙有古意

德州羅酒亦北酒之佳者漁洋詩云玉井蓮花作酒材露珠盈斛潑新醅清冷錯著康王冰風韻還宜叔夜杯山薑亦稱吾州酒色白清味潔鮮東坡所謂著錯水也屢入篇咏官京師仿爲之德州又有露酒色如黛漆味比醍醐俗呼墨露見查悔餘詩注問之德州人不知也

滄州酒止吳氏劉氏戴氏諸家餘不盡佳蓋藏至十年者味始清冽市中安可得耶按羅侍御欽瞻崇禎丁丑進士官御史巡按河南剛直有聲嗜飲傳釀法色味雙絕至今猶呼羅酒滄州城外酒樓背城面河列屋而居明末有三老人至樓上劇飲不與值次日復來醉酒家不問也三老復醉臨行以餘酒瀝瀾於外河中水色變以之釀酒味芳冽僅數武地耳過此南北水皆不佳劉紫亭鳳翔爲余言之甚確予在京師紫亭歲致滄酒非市中物也漁洋荅謝方山詩白家烏帽重屏裏初試紅泥小火鑪恰是陵州酒船到不愁風雪壓屠蘇酒車冒



雪遠衝泥尺素殷勤謝傳題一樹山查紅破蕊花前催  
進玉東西此漁洋晚歲之筆頗得酒中三昧風致可想  
袁石公觴政人之祭云凡飲必祭所始禮也今祀孔子  
曰酒聖夫聖無量不及亂觴之祖也是爲飲宗四配曰  
阮嗣宗陶彭澤王無功邵堯夫十哲曰鄭文淵徐景山  
嵇叔夜劉伯倫向子期阮仲容謝幼輿孟萬年周伯年  
阮宣子而山巨源胡母彥國畢茂張季鷹何次道李元  
忠賀知章太白以下祀兩廡至若儀狄杜康劉白墮焦  
革皆以醞法得名無關飲徒祠之門垣以獎釀客亦猶  
校宮之有土主梵宇之有伽藍也聖人吾不得而見之

矣二千二百餘年中四配十哲十四人耳而阮氏居其  
三醉鄉闕闕莫有盛於吾家者矣

今人飲酒杯下襯以托子未知所昉馮益都相國宴諸  
鴻詞翰林于萬柳堂酒酣指此爲問汪茗文以爲古無  
此製是也毛大可稱卽古之舟也引周禮註疏爲証益  
都命走馬取書似有所本然與杯不相屬予見宋李濟  
翁資暇錄一則云始建中蜀相崔寧之女以茶杯無襯  
病其熨手取楮子承之旣啜而杯傾乃以蠟環楮子中  
央其杯遂定卽命匠以漆環代蠟進於蜀相崔大奇之  
爲製名而話於賓友人人以爲便于是傳者更環其底



愈新其製以至百狀此爲茶器而設資暇錄引此云貞  
元初青鄆油繪爲荷葉形以襯茶碗別爲一家之樣今  
人多云托子始此非也蜀相卽昇平崔家按此與今之  
盃托製甚合前人有辨之者周禮司尊彝之職曰六彝  
皆有舟鄭康成曰舟尊下臺似非今酒杯之製也西河  
一時強論耳

俗語云酒令嚴于軍令亦末世之弊俗也偶爾招集必  
以令爲歡衆奉命唯謹頰首聽命恬不爲怪陳幾亭云  
飲宴苦勸人醉苟非不仁卽是客氣不然亦蠹俗也君  
子飲酒率真量情文士儒雅槩有斯致夫唯市井僕役

以逼爲恭敬以虐爲忼慨以大醉爲歡樂士人而效斯  
習必無禮無義不讀書者幾亭之言可爲酒人下一針  
矣偶見宋小說中酒戒云少弊不濟事多喫濟怎事有  
事壞了事無事生出事旨哉斯言語淺而意深又幾亭  
小飲壺銘曰名花忽開小飲好友畧敘小飲凌寒出門  
小飲冲暑遠馳甚熱不可遽食小飲珍醢不可多得小  
飲真得此中三昧矣若酣酒流連俾晝作夜尤非向晦  
宴息之道亭林云樽罍無卜夜之賓衢道有宵行之禁  
故見星而行非罪人卽奔父母之喪酒德衰而酣飲長  
夜官邪作而昏夜乞哀天地之氣垂而晦明之節亂所



係豈淺鮮哉法言云侍坐則聽言有酒則觀禮何非學問之道

元人姚文奐詩云曉涼船過柳洲東荷花香裏偶相逢  
剝將蓮子猜拳子玉手雙開不賭空猜拳賭空皆詩料  
也卽今酒令之猜枚前後不放空也

甲戌春同鄉宴寓齋閔飲竟一晝夜歌咏之餘諧謔閒  
作吳山夫仿石公之說評諸子曰向友如廉頗據鞍不  
肯下人北泉如香槽滴酒不甚洶湧而涓涓不休吾山  
如神魚縱壑或出或入人意表大冶如韓信將兵多  
多益善東岩如橫潦之水一洩而盡賓南如精衛填海

每不自量冰瑣如李陵敗北一以當千南生如諸葛出  
師鞠躬盡瘁死而後已若僕則如老僧持戒律百魔不  
能破又如嚴顏有斷頭將軍無降將軍也予曰請以評  
諸公之詩可乎山夫如光武遇小敵怯遇大敵勇向友  
如齊東大鳥三年不鳴鳴則驚人南生如凌波仙子一  
步一止令人目蕩魂與冰瑣如玉卮無當價值千金大  
冶如黃河之水滾滾而來東岩如秋鷹盤空不肯輕擊  
賓南如隱娘劍術一擊不中恥爲再擊若僕則如春雨  
淋漓不擇地而施沐膏者固多而怨咨者亦不少也賓南  
胡一鴻壬午舉人癸未進士



辛巳冬舉消寒會酒令集四書語作聯句自一字至十  
餘字凡數百聯癸未冬紫坪入都復舉是令因閱查浦  
輯聞紀朱竹垞行酒令舉成語一句合平上去入者卽  
天子聖哲類也竹垞舉康子饋藥兵刃旣接二句查浦  
思索竟夜不得心火迸發左耳遂聾同人因復舉爲酒  
令予與紫坪卽席引數十句不知查浦何以窘迫至是  
而竹垞亦僅思得二句殊不可解附錄於後 君子上  
達 何以報德 妻子好合 兄弟旣翁 天下大悅  
能者在職 邦有道穀 涇以渭濁 忘我大德  
生有聖德 充耳琇實 神保是格 瞻彼旱麓 王

道正直 言以道接 沈涵冒色 雷夏旣澤 天九  
地十 咸仰朕德 宏父定辟 天禍鄭國 天子建  
德 端冕摺笏 天子令德 惟彼四國 君子是識  
天子建國 公子御說 司馬仲達 萌者盡達  
寒暖燥濕 母有障塞 元酒在室 鐘鼓旣設 天  
子下席 君子進德 天子視學 天子用八  
肆馬鞭者子棹內藏一劍行路者藉以防賊人多用之  
按元阿鄰帖木兒文貞王官戶部尙書有獻鞭者製甚  
精拔靶去之則一鐵錮在內王喜示夫人夫人云王平  
日曾以事害人慮人害已則當防護之若無此心則不



必用此見元楊元城山居新話

秦文公作旄頭見列異傳黃帝作旗幟又作冕旒魯昭  
公作弁見世本燧人氏作髻女媧氏作竹筭赫胥氏作  
木梳堯以銅爲筭周文王作珠翠又名步搖筭唐高祖  
作反縮髻黃帝作几見李尤銘舜作五明扇又作漆器  
見古今注少康子興作甲桀造瓦見世本蚩尤作戈戟  
見呂氏春秋又作劍鎧見管子鑿齒作楯見山海經黃  
帝臣揮於作弓夷牟作矢見世說荀卿云倕作弓浮游  
作矢見山海經少皞生股是作弓矢黃帝又作弩鯨作  
城郭禹作宮室伯益作井見世本及博物志神農作耨

伶倫作權度量胡曹作衣裳見呂氏春秋太公作九府  
錢見漢書神農作耒耜或云倕作皇甫陰作樓及犁見  
魏畧夙沙氏作鹽帝女儀狄造酒見戰國策鯨服牛又  
作城相士乘馬臘作駕三人皆堯臣見世本韓哀侯作  
御舜造筆見博物志又曰蒙恬造筆蔡倫造紙堯作圍  
棋烏曹作博見世本齊夷陵王瞿作側楸棋局見馮鑑  
續事始老子作樗蒲黃帝作蹴鞠見博物志劉向作彈  
棋見西京雜志曹植作長行局卽雙陸也見後魏李邵  
序漢武帝作藏鈎晉摯衛尉作四維戲紙局木棋見李  
秀賦周武帝作象戲見後周書紂作粉見博物志尹壽



作鏡見天中記岐伯作鼓吹見蔡邕初志帝俊八子作  
歌舞見山海經又云陰康氏作舞呂氏春秋云舞是陶  
唐氏作神農作琴伏羲作瑟蒙恬作箏師延作篪篪帝  
馨作鼓鞀又云倕作女媧氏作簫見禮記風俗通云舜  
作簫山海經云炎帝伯陵作鐘黃帝作清角女媧氏造  
笙簧隨作竽女媧氏臣見世本商辛作塤蘇成公作箎  
見世本漢時邱仲作笛見風俗通黃帝始作釜甑見古  
史神農作釜見周書孟莊子作鋸鑿見古史夏少康爲  
箕箒見古史夏昆吾氏作瓦烏曹氏作塼俱見古史公  
輸般作石磴倕作鈔見世本蚩尤作冶見尹子黃帝臣

雍文作春見世本赤翼作杵見呂氏春秋伏羲作網見  
古史詹何作綸釣及餌舜作瓦棺土穢禹作伺風烏卽  
相竿見古今注黃帝作斧鉞見輿服志黃帝作刀見洞  
冥記赫連氏造梳見炙轂子明太祖見道人作網巾頒  
其式於天下又謝宗可集有咏網巾詩則不始太祖矣  
黃帝臣作屣履見世本舜妹嫫作畫見說文岐伯作鼓  
吹見蔡邕禮樂志陸機賦云原鼓吹之所始蓋稟命于  
軒皇

京師人擘葷麻梗爲小片塗硫黃于其末呼之曰取鑑  
杭州人有以松木爲之者曰發燭按史載周建德六年



齊后妃貧者以發燭為業又清異錄云夜有疾苦發燭之緩批杉木染硫黃遇火即焰呼為引兒放翁詩天矯竹如意鱗皴松養和養和即靠背也皮襲美以五物贈魏不琢有桐盧養和烏龍養和虎子一曰撼箭箭音豆漢人以玉為虎子江淮舟子使篙曰一張兩張逆風張帆曰折槍太白下涇縣陵陽溪詩云漁人與舟人撐折萬張篙蓋唐時已有此方言又庾闡揚都賦葉子搶風榜人逆浪即折槍之謂

藝海珠塵

南匯吳省蘭泉之輯

仁和張光燾心字校

茶餘客話十一

田州阮葵生纂

長西來淮故

宋楊道孚克一為歷陽法曹遺呂榮公詩云雨綠霜紅郭外田山濃水澹欲寒天參軍抱病陪清賞一檄呼歸亦可憐道孚為張宛邱甥山谷有題道孚畫竹詩所謂人物英俊有外家風即此詩可想見其標致惜所著不



傳耳晁无咎亦有贈文潛甥楊克一學文與可畫竹詩  
龔聖予畫馬世已無傳聞大內藏名駿骨圖云係高江  
邨所獻孫退谷得其山水一卷筆意似大小米極其瀟  
灑上題詩云谷口長松澗底藤石橋山路晚登登囊琴  
斗酒來何暮空負寒齋昨夜燈小隸極高古後有劉青  
田跋

宋東楚湯屋字君載輯畫鑒云龔聖予身長八尺碩大  
美髯讀書爲文能成一家法畫馬專師曹霸得神駿意  
人物亦師曹韓山水師米元暉梅菊花卉雜師古法卷  
後必題詩或贊跋皆新奇嘗自畫瘦馬題詩曰一從雲

霧降天關空進天朝十二閑今日有誰憐駿骨夕陽沙  
岸影如山此詩膾炙人口嘗作雲山圖彙五冊傳于家  
僕曾見之乃生平所臨畫稿亦奇物云云先生在日當  
世已稱得片紙如得連城璧今日豈易多得先生止一  
子名浚卽凭其背畫馬者

吳立夫稱翠巖作文宋瑞陸秀夫兩傳類遷固陳壽以  
下不及又有題翠巖古棋經詩邱季貞洗馬梓陸傳合  
徐仲車傳以行古棋經未見傳本

朱竹垞謂畫終南進士者南唐周文矩蜀石恪汴京楊  
棊皆設色爲之至龔高士易以深墨其法倣趙千里丁



香鬼也離奇變化自比書家草聖世傳水滸三十六像亦高士筆而明吳承恩爲之贊

宋僧權道衡入市鬻漢印一方酬價已定歸而取值適龔高士至以十五緡買之肆主人復告以故高士歸以語女曰大人亦奪人所好耶高士卽持送權曰先生愛請藏諸高士謂在彼猶在此也權亦曰在彼猶在此也相讓久遂沉諸淵而別高士之女誠不凡紫坪謂何不還之肆主人予謂主人亦不受終當沉淵耳

元楊元城著山居新話載陸樞密君實挽張郢州世傑詩云曾聞海上鐵斗膽猶見雲中金甲神張擁兵海上

一夕大風雨張舟覆翼早獲屍棺殮焚化膽大如斗不能焚諸軍感慟忽雲中見金甲神云今天亡我關係匪輕後身出當恢復矣公此詩全篇不傳二語傳忠烈尤耿耿也又載莫兩山傷丁氏故基題一絕於太虛堂疎雨斑斑灑葉舟前山喚客作清游芳華消歇春歸後野草荒田一片愁文本心典淮郡蕭條之甚謝賈相啟云人家如破寺十室九空太守若頭陀兩粥一飯今淮人尙有兩粥一飯語

葉公政字克明元至正甲午以浙西幕使轉餉鄂州與丹陽束子章訂交未幾子章赴沔以資囊付克明克明



令子章手緘藏之越兩月子章友朱君讓來語克明曰  
子章入蓮臺湖遇盜死昔寄囊中有某物在克明曰子  
章死家無恙也當質之其家明以付汝君讓竟去明年  
克明歸坐丹陽驛要束氏子及君讓至啟子章手緘得  
鈔二百五十緡黃金五十兩銀三百兩珠八千顆衣帛  
有差歸之束氏另緘鈔五十緡黃金五兩珠一千顆有  
朱題封歸之朱氏兩家具謝克明俱辭王逢有葉公政  
還金辭序稱葉爲淮陰人國初宣政院都事李實之子  
翰林直學士蟾心之從子也又云前國史編修官膠西  
張復初嘉葉高義爲著還金記稱葉讀書淡榮利嘗從

平章克復池之諸縣破蘭溪渠魁徐貞一平蕪水塞司  
輜糧四年無纖介誤平章七薦而書不報

高志康安宣德中由選貢擢南宮令由杭州守仕至浙  
江參藩忤上官有詩云眼中絳灌非吾侶昔日夔龍憶  
共朝初在南宮有惠政鄰邑飛蝗獨不入境民歌之曰  
侯宰南宮民和政通蝗不入境今之魯恭朱竹垞明詩  
綜采焉邑南有李陽冰廟碑高丈餘歲久祠碑已仆一  
日祈雨至見碑石巨非千人不能起立禱曰神有靈碑  
自立安當新其祠次日雷雨大作四野霑足竟夜至天  
明則碑已卓立庭際遂具其事上聞新其祠召工薙草



獲錢六萬緡遂爲修葺之需期月而廟工成  
宋潛溪作王先生毅小傳云昔者山陽殷子通以儒術  
教授里中人薰爲良善者衆及鄰境寇作子通率弟子  
起殲之長吏惡攘其功使人殺子通其門生毛術手刃  
殺者梟首以甘心焉君子多其義其事與王先生絕類  
洪武中刑部尙書楊靖逮一武官鞫之門卒檢其身得  
一大珠僚屬愕然靖徐曰安有許大珠此偽物欺人令  
擊碎之太祖聞之曰靖此舉有四善他人見奇寶必獻  
朕求容悅靖不然可謂以道事君一善也其人藏珠必  
有所投獻以陷他人是一珠起大獄靖有陰德於人二

善也若一卒得珠因而嘉獎由是趨風求獲人將受法  
外之苦能杜小人僥倖三善也且人處常易處變難今  
千金之珠猝然至前不爲動竟擊碎之有過人之識應  
變之才四善也尙書才臣也未竟其用以寃死明史云  
尙書字仲寧臨難之日作絕命詞云可惜跌破了照世  
界的軒轅鏡可惜顛折了無私曲的量天秤可惜吹熄  
了一盞須彌有道燈可惜隕碎了龍鳳冠中白玉簪三  
時三刻休前世前緣定身後建祠于新城東門之下關  
曰昭恤院後卽其墓久之蕪不治正德中潘伯和申丞  
重爲修整尋其嗣奉祀後代已絕潘氏子孫每清明上



冢必至尙書墓前奠盃酒盃飯遵中丞之教三百餘年  
武宗幸清江浦過淮都御史叢蘭總兵官顧仕隆迎鑾  
獻金牌花紅綵帳帝戎服簪花鼓吹入城駐尙書金濂  
第時金已故以後樓居劉美人復至山陽縣儒學入視  
先賢像至教諭書舍取通鑑一部去住三日遊各寺廟  
又借內監等駕小艇網魚積水池舟小人衆覆溺池中  
隨從官及地方大吏州縣等齊入池爭掖得出急治之  
驚悸成疾次日登舟渡黃北行金尙書故第在舊城後  
人呼其後樓曰劉美人簪花樓聞當時供頓必進鮮花  
朵各種悉具日凡數進

張懿簡鵬爲理漕御史作自警銘詞書於淮陰行臺曰  
嗚呼小子淑慎爾止爾公爾廉天必福爾爾貪爾暴天  
必禍爾爾肯畏天天肯培爾爾忍欺天天忍覆爾福善  
禍淫天實由爾栽培傾覆天不爽爾天維顯思敢不敬  
爾庶幾夙夜于時保爾書揭座右朝夕警爾嗚呼小子  
淑慎爾止

沈景倩野獲編紀嘉靖三科狀元之異辛丑狀元沈坤  
歷南祭酒憂居倭至散家貲募鄉兵自教練之賊縱火  
延燒官兵卻祭酒率所部親當矢石射中其魁城上人  
望之呼曰狀元兵未幾倭復以二十二船從泗而下焚



殺尤慘祭酒大破之巡撫李薦其才兼經畧功收禦侮起爲北祭酒爲同鄉胡給事應嘉所構陷瘐死淮守范檟迎合成之人皆以爲冤其癸丑狀元陳謹乙丑狀元范應期皆殞非命

范檟字養吾文正之裔嘉靖庚戌進士由部郎出守淮郡時景王初出藩挾貨甚衆有大盜某密謀劫王布黨千餘人自天津至南昌分徒五百人往來偵遊一日晚范衙鼓初罷門卒報有貴客至已僦居潘氏園以寓孥者問有傳牌曰無有伺之見從者甚衆而更出入心疑盜陰選健卒數十人易衣如莊農曰若往視其黨入市

者佯與飲中挑與門相執繫以來戒曰慎勿言捕賊也卒旣去范命輿謁客西門遇持者前訴卽收之比反得十七人陽怒罵曰王舟方至官吏不暇食暇問汝門乎叱令繫之入夜傳令吏飽食以待漏下二十刻出諸囚於庭厲聲叱之吐實如所料羣賊遁散所畱孥山東妓也于是飛檄各省擒其餘黨而斃十七人于獄范本才吏公事之暇好讀書延接諸生講學論文淮郡徭役繁重自范莅任民隱悉上達後緣沈祭酒之獄聲名大損告歸浙東居一小樓終歲不下著書力闢王龍溪講學倍師嘗曰口頭禪不可謂禪口頭儒又安可謂儒蓋范



爲陽明先生外戚深疾其門徒壞師說也

嘉靖中浙東趙祖鵬官翰林女嫁陸炳爲繼室倚陸聲勢富貴擅一時其幼女甫笄艷而才已未准人丁士美舉狀元喪偶趙欲妻以女士美鄙其人拒不許時會元蔡茂春慕趙欲遂委禽焉一時清議皆重丁而薄蔡旣而陸歿趙亦下獄蔡由郎署外謫罷歸始終皆坐贅趙一事不振蔡沒後趙尙在盛年以節聞

王堯載典號龍懷萬歷丙子舉人官樂清令與同里劉晦卿沈邱交好謂曰夜得子飲諸君酒告以夜來夢太乙星臨於室而生遂名一臨堯載聞之驚詫不怡衆詰

之徐乃曰予嘗夢與劉一臨同榜今此子裁降地予已向衰能久待乎自是每過晦卿必抱膝呼年兄爲誰及丙子一臨年十六果與堯載同鄉舉當時以爲異後一臨卒於官喪歸堯載尙優游林下往撫其棺哭之

夏塗山曰瑚幼爲名諸生一日夜歸遇縣尹孫肇興于道左右以夜行執之不跪對以會文歸遲遂以草呈孫于馬上讀之不數行大驚曰卽發矣卽發矣子以此取功名捨芥耳因叩其居不遠同就書几更爲指點且曰如此破法不得元索筆爲易一破而去是秋孫爲同考得塗山卷欲元之主者置第二此天啟丁卯也至辛未



藝海珠塵

中探花

戴璐按孫肇興順治中官工侍

淮民編蘆作屋貧家皆然亦有精粗之別園林中偶置一區儼入畫圖許太守同安守淮愛之既歸去仿為之名曰淮屋客題詩曰淮人作蘆屋縛蘆為桷椽磚墜省塗墍構櫺無刻鐫結構樸而雅庀治廉且便許君守淮陰但飲淮上泉歸來結淮屋亭午猶醉眠人言蘆為屋嘗恐火誤然建章三月火豈亦蘆使然又云不耐久風雨易漏穿此屋如傳舍次公皆非賢竹樓安在哉其名至今傳

王雷臣燮晚年頗信佛日誦金剛經不輟五十生日人

贈詩云靜夜香燈明寶笈諸天梵樂護銀鈎蓮花世界非關汝肯向昆明笑白頭雷臣功名之士甲申後遁入空門

楊維垣成淮十九年善談制義一日署其門曰授小兒祕訣山陽一秀才夜續題其左醫太僕官方楊見之失色急令洗去

劉節之孔和山東長山人明太學士鴻訓子少年豪俠詩文有奇氣好煮酒論兵結納死士散財聚眾于長白山殺偽縣令領數千人至淮安時劉澤清開藩淮上建牙新城節之同鄉有舊遂以兵屬後見澤清所為不道



屢侮之澤清怒令健兒二十人拉死之節之在新城與  
閻修齡斬茶坡友善時有倡酬死後修齡茶坡攜白金  
數百兩往尋其屍終不得節之有聽琴詩云高梧修竹  
曉沉沉待子垂簾拂素琴聽盡明光三十段碧池涼雨  
一時深想見五陵公子風致也漁洋詩話載之

劉雪舫文炤新樂侯文炳之弟甲申侯闔門殉難雪舫  
年十五逃回海州故里變姓名至淮居珠湖吳嵩三物  
色之贈詩云王孫徒寂寞芳草自萋萋故苑遊麋鹿滄  
江厭鼓鼙人情隨世變風氣逐年低念子凝神久微陽  
可共攜明史孝純劉皇后生母卽雪舫之姑吳梅邨詩

亡姑備宮掖吾父天家婚長兄進徹侯次兄拜將軍又  
云我兄聞再拜慟哭高皇靈寧同英國死不作襄城生  
我幼獨見存貧賤合依人云雪舫避人袁浦與諸文士  
往還有河口夜泊詩云孤舟離緒又清明一掛蒲帆千  
里程去住向誰商出處飄零到我負平生雪連海氣天  
無色沙鼓河流夜有聲襍被春寒眠不穩淒然雙淚落  
三更

張虞山七夕琴歌序云楊太常名正經西陽宣慰司人  
初官總戎時大祀郊廟樂章失次宗伯林欲楫薦正經  
審音律改中書樂成晉太常賜漢琴唐琴各一亂後流



寓淮海自製三操一曰西方思一曰風木悲爲作長歌  
按正經字懷玉家世爲將少有別解通樂律懷帝召至  
便殿令彈琴稱善抱琴逃止故土主陳碧涵家時李子  
變爲淮安推官正經往見爲李上客李爲買宅又爲其  
子納婦于淮年七十餘卒葬城東黃土橋與碧涵祖墓  
鄰近陳氏每墓祭必置酒澆太常墓側淮人集中多聽  
太常彈琴詩平湖李因仲天植詩云淮海飄零值故知  
南州高士今何之謂碧涵也

王阮亭至淮招名士爲文酒之會見張虞山揖甫罷曰  
夙愛足下南樓楚雨三更遠春水吳江一夜增之句平

生如此好詩復有幾虞山退語邱季貞曰夙昔快意之  
作不謂阮亭一見便能道出今古調堂集不載此篇從  
感舊集錄之春日張水部招遊江南畱別同社話別空  
支半壁燈故人相約過延陵南樓楚雨三更遠春水吳  
江一夜增去就黃魚分野饌行看紫笋掛山藤他時遙  
憶羊求侶花滿晴龕向日蒸增韻漁洋詩話誤刊生字  
此詩爲虞山指名之作南齋選本刪之何耶

吳嵩三珊明諸生聊城令裴孫涇陽令安邦季子甲申  
除夕召諸子曰汝輩知陶靖節乎三子默會其意會學  
使至不試落諸生籍遊天下遇名山大川傷今弔古



一發之詩可備史料其後人祕之不出以示人靜齋檢討爲嵩山從孫每談當年軼事具足動人忠孝之心張性符致中爲邑中名諸生博學工古文復社初興孫孟樸兩至淮羅致之與白素先受藻方巽若能權同時入社制藝一時傳誦大會於吳中者二家故貧而收藏鼎彝碑版之文極富精小學辨證音體爲學者所宗死後里人私謚恭壽先生所著有學志草學山草理學屨守錄經濟源流雖遙閣隨抄張氏宗政眉尹文集符山堂詩子三人昭弧毅皆知名士昭卽力臣其所著今無傳本惜哉

顧亭林音學五書序云余纂輯此書三十餘年五易稿而手書者三已登版而刊改者數四又得張力臣爲之考說文采玉篇仿字樣酌時宜而手書之二子叶增叶箕分書小字鳩工淮上不遠數千里累書往復必歸於是又與潘次耕書曰著述之家最不宜以未定之書傳之于人卽如近日力臣札來五書改正又一二百處觀此則音學五書力臣之功鉅矣後李安溪以五百金購之攜回閩中力臣符山堂藏書考訂最精版多善本身後散佚後多歸何義門

力臣博學精詣嘗摹峴山石幢刻昭陵六馬圖贊辨瘞



鶴銘晚年窮困流離攜子孫居京師王漁洋題其小照  
云瘞鶴銘邊攜屐日羊侯祠下卸帆時吳山楚水探奇  
遍不覺秋霜點鬢絲金石遺文大放紛摩挲手卷對爐  
熏白頭更訪鴻都學手拓陳倉石鼓文徐健菴詩云五  
岳曾探响嶼書年來雙髻轉蕭疎從誰辨得師春字好  
爲遺經正魯魚奇字揚雲未渺茫茂元家學在巾箱對  
君轉復思元歎灑淚風前誦渭陽指亭林也力臣與程  
工部正父交善自京回南過德水偶詣正父已病篤力  
臣停舟旦夕視疾經紀其喪亭林哭正父詩云十載故  
人泉下別交情多愧郵君章指力臣也

終

藝海珠塵

南滙 吳 省蘭 泉之輯

邵陽 譚 鼇 拔元校

茶餘客話 十二

阮葵生纂

淮故

陳碧涵爲望社名士專精三禮淮士治禮經者多從之  
與階六黃門台孫爲兄弟名譽並著陳定生稱爲吾家  
二夫子一日過友書館中撫童子邱生之首云此子偉  
器他時當青於藍寒于水嗣每至館輒摩弄頭目爲戲

藝海珠塵

茶餘客話卷十二

一



邱卽南齋侍講也越十餘年同中式爲同年友邱旋入翰林陳久困公車及戊戌邱分校禮闈閱禮記陳竟出其門執弟子禮甚恭迄今邱氏敦年誼而陳氏猶執世誼云  
周左台以師範著稱毛西河作周母靳大君壽序云予嘗數淮上君子孝醇友謹吾不如二邱環瑋卓犖吾不如楊簡林嶽嶽饒經濟風流四襲吾不如蔡子搆而諸子皆出自左台之門靳太君爲茶坡女弟當時茶坡左台有靳周二子之稱  
先徵君鶴緱先生手錄同社倡和詩內潘雪帆七律竅

多傑作雪帆名問奇錢塘人客居淮上隱淪終身與石霞舉紫嵐劉昭華及徵君爲忘形交後客死天寧寺揚州守傅澤洪葬之平山堂爲文誌其墓查二瞻書丹遺稿甚富石氏舊有藏本徵君每過揚猶停舟攜酒奠之馬西樵蔡子搆樂六舞倪天章毛大可同飲黃大宗園中論詩天章謂張燕公濫湖山寺詩若使巢由同此意不將羅薛易簪纓若使不將字當有誤不然語與意相反殊費解西樵曰不然君將前六句朗吟一過卽得之矣天章未解西樵曰不云禪室從來雲外賞香臺豈是世中情乎大宗喜曰是不減匡鼎說詩天章猶未解大



可曰西樵善說詩謂此山寺無復世中之情不啻雲外  
之地不必蘿薜始易簪纓一座稱善西樵纂杜詩分韻  
一書初覽之似無甚深意後覺唐人用韻與後人有迥  
不同者亦古音之蛛絲馬跡也乃知前人輯一書皆具  
深意

杜湘草工書法詩詞家于西湖嘴闢綰秀園水石花木  
之勝甲于一郡名士滿座尊酒不空有孔北海之目至  
武林冒雪遊西湖適王丹麓來索書據案揮毫忽方伯  
某移舟欲見湘草不納其刺命解纜移舟避之方伯大  
慚飲高澹人北墅題詞一時傳誦

望社諸名士邀江浙勝流于重九大會于郡庠尊經閣  
馬西樵詩今古東南地論交海嶽通耆英千里至詞賦  
一時雄勝會登官閣華筵變楚風諸公沉醉後絲管徹  
高空

淮之文風至明末漸衰科名亦不振崇禎辛未艾東鄉  
公車過淮士人多以所業請政概不著筆惟吳太清數  
藝嗟賞不置語吳曰子加意精進十年文名冠世矣吳  
遂執業稱弟子後吳鄉薦造詣精純所傳知名士  
嵇叔子精于子平自謂官止四品而夫人之祿位不稱  
舉孝廉卽喪偶媒妁盈門叔子排算其八字俱以爲不



類某富翁欲以女妻之先以年庚付一術士推之術士云是十惡大敗命翁以情告術士曰試易之何如因將生日移前數日而時干亦易通局俱變矣翁乃付媒往議叔子以手推之曰是恭人也遂成姻任杭州太守妻受四品封叔子卒後十餘年諸子將爲母稱七十觴先期營辦恭人笑止云某日非吾真生辰也因述其故家人皆驚蓋嵇氏父子爲所給者四十年矣

嵇叔子爲李大虛作閨園影賦數千言編珠貫玉地負海涵刻畫殆盡李攜示趙洞門開心李叔則明睿各舌擣不下嵇美鬚眉間一寸守杭州清介愛士四壁蕭然

風雨不蔽郡有好古之士必折柬招致

金道洲人望令關中長武荅鈕玉樵書云才到鵝舠剛一月欣傳鯉素耿耿生平感舊雨之彌新捧新詩之溯舊鴻賓雁旅曾經十換星霜蟲臂鼠肝不啻重逢笑語沾青山而欲濕是誠何心指白水以爲盟恭惟執事粵自君袍方綠予服猶緇伴羨馬上之鞭中多瑁璫私挾懷中之錦會有逢迎詎料儀不下秦總由旁竇瑜何生亮都付荒唐思忌我之有人遂易名而去國乎時江邊解艫尙插征旗嶺上烽烟渾如毒霧艱虞萬里旣地老而天荒荏苒三年徒風悲而日慘兼之攜來僮僕半



葬於懊惱澤邊賣去琴書行吟於汨羅江畔辱藩侯之  
招簡問生涯原是之無竊駢語以飛翰操丹鉛何工四  
六節傭書之辛苦一歲累有千金填在任之逋亡百劫  
猶畱殘喘謂斯人之不死絕意希榮念垂白之高堂奉  
甘唯祿爰束帶而重瞻三殿又極巍峩閭闔之觀下除  
書而分列五方偏處蕭瑟開關之地潘輿未遂毛檄遊  
征割邠國之一隅當邊陲之三面騷而罷于奔命歲  
儉而苦於頻仍地大如九封函者此物居凹唯穴營窟  
者何嫌昔僅憂生于瘴癘今則坐敗於催科望之未解  
者一也憶彼炎疆十二城哀然居首俯茲馮翊三十長

瞻之在前豈雞口之福難銷畢竟因差果錯乃牛後之  
羞旋至大似鼓震鐘鳴望之未解者二也願有請焉大  
可怪者羅池樹蠶柑越臘而仍丹南服陽生花未春而  
盡紫蠻女擎荷包飯冰無迨泮之時尚客櫛簪裏鹽地  
有不死之草夫何三冬衣葛未聞范叔啼寒頓易五月  
披裘應被巖陵叫屈望之未解者三也若就服食居處  
而言以及風土人情之變真堪發人一噓笑我長貧者  
矣借兄入洛老米三餐及弟入秦豆芽兩頓庭前朱荔  
偏閒歲而方苞江上秋風甫踰時而不見今者一望周  
原百年幽地市無兼味官廚以翦韭爲豐圃乞嘉蔬土



人以烹葵爲誕將使公劉囊底餽卽稱珍燕令釜中塵  
仍是寶嗟乎噫嘻來日大難居者不易沉沉夜析如送  
鐵撥清淒種種顛毛怕聽銅琵琶裂謂鮑明遠擅蒼涼  
之調我則何人奉張燕公富制誥之才卿其雅匹胡爲  
淹滯尙爾卑棲謬荷長懷仰叨高誼走七百里之使者  
慰十八年之故人翻笑成悲情所必至銘感入骨口總  
難宣本同學之少年竟一官而老大聖明在上望吾兄  
于掖梧臺柏之間局踣難容當念我於塞柳關榆之下  
道洲題堂柱曰家臨漂母千金地人到邠風七月天未  
幾以受代誼誤去計其時止七閱月耳

李公凱鎧宰鐵嶺丁憂歸己未以鴻博徵授翰林官閣  
學經筵講書理明詞暢當時謂不減范祖禹一生清節  
不名一錢門無雜賓嘗語門人云孟子爲卿于齊終不  
受祿君祿且然况交際乎守身若此其嚴而彭更猶以  
傳食爲泰萬章至比于禦人之貨孟氏守身之嚴可知  
今人取與不慎多援孟子交以道接以禮之說以自便  
其私豈不謬哉

鹽城宋滋菴恭貽有詩才繪高孝子望親廬圖徧徵詩  
以褒之孝子父高特騁宿遷諸生甲申棄家去其兄求  
之數年不得久之聞海上賣卜奇中兄往卜之云當卽



相見察其情狀卽特騁也強之歸生一子尙友一日短  
衣持雨蓋出不知所之尙友長成數十年無消息遂築  
望親樓于鍾吾山中每遇過客輒詢訪聲泪並下宋經  
其地異之紀其事而繪圖焉

金章字玉立善花鳥附萼枝幹與夫飛鳴態度率有生  
意設色最鮮麗今淮上亦未見其傳本馮仙澁續輯圖  
繪寶鑑采之又杭州人金章亦善墨竹今人多誤稱  
湯調鼎清河人順治初進士著辨物志王阮亭稱其議  
論多發人神智癸酉秋余寓清兩月徧覓無有知是書  
者

靳璧星號茶坡樵子著渡河集聞再彭號飲牛叟昔春  
西堂集張養重號虞山逸民晚自廣南歸戴一椰子冠  
又號冠椰道人先是丁亥秋有三子秋心之刻興化李  
小有序之小有自稱虛天游

李吉爰時謙初爲潞安推官歷樂陵潞城二縣有清白  
名擢御史端方廉毅前後疏凡數十上陳澤州王阮亭  
皆以師禮尊之引疾歸起陝西觀察會饑出監賑孤介  
不名一錢未幾卒將軍督撫以下往弔蓬蒿滿庭咸揮  
淚買棺而歸其喪于淮聞公之初歸也以言事忤輔臣  
頗有扼之者返里後不見一客守令屢侵侮之公概不



置問及當路者誅特召起用兩臺敦迫就道邑令某懼  
甚日三至門悔罪之狀至卑屈公相待如初若無前隙  
者  
劉六皆官刑曹時與猗氏衛爾錫既齊同巷交密衛撫  
黔以苗變得罪戍黑龍江六皆爲經畫行李歲時饋問  
不絕逾年召還後復派修高家堰六皆亦返里矣白首  
如新交契彌篤及衛病作孤苦無依倚一日顧張石虹  
編修云吾殆不起當詣六皆作身後計卽由袁浦舟至  
簞園尚能飲酒盡歡次日竟歿六皆經紀附身之具甚  
厚啓別業爲殯堂哀禮交至令人增友誼之重

閻潛邱遺書惟四書釋地三續宋商邱刻于吳校正因  
學紀聞馬秋玉刻于揚州其尙書古文疏證孔廟崇祀  
末議孟子生卒年月考則里人刻之孫學林刻潛邱劄  
記如日知錄補正喪服翼註毛朱詩說續朱子古文疑  
宋劉攽李壽馬端臨王應麟四家逸事皆未刊劄記乃  
未定書零箋碎紙投入一笥捐館後家人與計簿混入  
笥中學林不知抉擇將他人往還手蹟及陳言狎語游  
戲之詞悉條舉而刻之硃玉並陳大失潛邱面目予嘗  
刪存十之五六卓然可傳不朽又徐健菴嘗手輯潛邱  
緒論一編曰閻氏碎金皆洞庭書局中辨論之事今無



傳又博湖掌錄一書吳山夫少年時猶見抄本予尋之  
二十年無有知是書者王漁洋稱其博雅精核手錄其  
盤谷一條辨李愿非西平子亦全鼎之一鱗也附錄於  
此按昌黎年譜貞元十七年公在京師作送李愿歸盤  
谷序觀序言蓋不挂朝籍者安得如唐書李愿傳所載  
乎一也退之有盧郎中送盤谷子詩和歌云昔尋李愿  
向盤谷當又在貞元八年退之未第前故得入太行訪  
隱淪是時西平尚在愿安得隱此二也又和歌云開緘  
忽睹送歸作字向紙上皆軒昂又知李侯竟不顧方冬  
獨入崔嵬藏則知序作于是年冬蓋愿嘗隱盤谷茲來

遊長安不得志故序曰送歸豈得如傳所稱勳伐乎三  
也貞元中濟源令刻此序盤谷石上後書云昌黎韓愈  
知名士也高愿之賢故序而送之此當日擊其事者僅  
稱之曰賢無一語鋪張其人地四也李愿傳屢立功時  
諸子未官宰相以聞即日召授太子賓客上柱國考屢  
傳廣德初擊党項有功即所謂有功時也下距貞元已  
已歷官三十九年矣安得如序所云耶五也退之辛巳  
冬尚在京參調明年始授四門博士唐人最重官爵安  
得與歷官三十九年者雁行曰友人某耶六也愿傳邇  
聲色而政衰又云結納權近官貴隨賂輒盡其人如是



安得吐高論俾退之聞而壯之七也西平洮州臨潭貞元七年辛未以臨洮未復請附貫萬年詔可是願當爲長安人安得于濟源之盤谷曰歸乎哉八也此見于居易錄所載愿非西平子前人亦曾論及而未有如是之核按漁洋北征日紀云頃讀李川父嵩渚集遊盤山記稱愿行實無考愿卽西平長子唐書有傳川父號博雅何疎于考証如此云云蓋彼時阮亭尙未讀潛邱掌錄故輕訾川父晚年一見急劄志之也又劄記云唐裴度作西平王李公神道碑銘云有子曰愿故檢校司空河中節度使贈司徒五列雄鎮三爲上公則益無隱淪之

理

戴晦夫屢顧在瞻謁楊禹江開沅同受業于黃梨洲門以古學相勵南雷文定古文授讀皆西洮兄弟所梓行梨洲初選明文案搜羅家藏家集千餘種嗣從徐崑山假傳是樓藏書又三百餘家于是益文案爲文海文海中摘加硃圈以授子百家讀是爲明文授讀板藏戴氏在瞻少時著陸傳習學錄頗謗陸王及自甬上歸語門人云吾向日一知半解心粗膽大妄議先儒今從黃先生遊乃知半生全在夢中遍索所抄傳習錄焚之與禹江訂讀經史法求實學戒空談後生翕然從之



丙子游鹽濱見卞氏園中枯枝牡丹高出牆花開數百  
朵卞進士樂云相傳是宋時物六百餘年不能詳所自  
予按澠水燕談載海陵西溪鹽場呂文靖公嘗官于此  
手植牡丹一本有詩刻石後范文正又嘗臨莅題一絕  
句人以二公詩筆貴重護以層闌歲久茂盛每歲花開  
可百朵爲海濱奇觀宋時鹽場皆在今之下河鹽邑范  
公堤皆文正公所築卞氏之花云是宋物或卽二公所  
植未可知也海陵卽今之泰州東西數百里皆是卞元  
亨元從張士誠屢諫不聽歸隱海濱明太祖平吳後屢  
徵不出作詩有恐使田橫客笑人之句明祖怒遣戍遼

陽將行以酒酬牡丹曰待我南還花再開自是花果不  
復開妾棲息園中朝夕對花祝云主人有還信當再著  
花如是十年花忽大放元亨果遇赦還復作詩云牡丹  
曾是手親栽十度春風九不開多少繁華零落盡一枝  
猶待主人來蓋予其妾之守貞也後有一齏使奪之去  
移之揚州署中花竟萎棄之卞氏宛轉取其枯枝植之  
園中久之竟生遂以枯枝名每歲花開紅紫各色或秋  
冬著花有紅有白以此卞休咎獨醒雜志一則維揚后  
土廟有花潔白而香號爲瓊花宣和閒起花石綱因取  
入御苑逾年不花乃杖之遣還其地花開如故此與卞



氏牡丹事絕相類而近在三百里內編強猶生人物不異古今一致

淮安守朱定元謹飭有守大吏惡之將欲告罷會大吏入覲

土問江南知府才守倉猝不記一人遂以朱名入奏不久擢至閣學

翻梧字待翁豪士也以薦歷官至潞安守謝事後值山右虧空案起牧令人不自保持翁首倡捐貲即日遣其子歸棄田宅得十萬金裝三十騾馱至太原待質各官及囹圄中追比之員皆獲更生當時義聲振河北矣

湯西崖贈詩喜子膺薦書治行歷竅案謁帝蓬萊宮賜衣光翠彩

查夏重集贈僧元立詩序云元立上人淮陰張氏子幼隨父客京師父歿權厝天津且死屬其子曰必反吾骨故鄉時元立甫九歲不能自存去而爲僧得法于平陽晝公今五十年矣辛卯秋徒跣北來求父葬處天津瀕海沙衝不可辨有里老張姓依稀指其處發視墓磚在焉桐棺無恙將奉以歸葬相見京師乞一言紀事爰贈以詩

丁卯周蓼圃檢討齋偶爲扶鸞之戲紫坪年十四時供



果中有西瓜子紫坪漫撮而問之此筆曰三八之數開掌數之則二十四枚也復撮問曰仍前數數之則三十八枚復撮少許問之曰仍前數數之則十一枚漫取不數而亦能奇中豈邵子之說不盡然耶

唐肅宗本紀載楚州獻寶玉十三改元寶應今白田縣名本此一日黃天符其製上圓下方近圓有孔歲戊辰有得以入貢者

御製詩云方水生瑤瑾雲英靜似腴截肪安可喻烝粟得曾無猶見先王制如逢君子儒何須檢唐史附會詔天符

吳山夫學有本原館秦樹峯司寇家五禮通考皆其手訂者樹峯嘗言得三異人山夫其一也丙子丁丑授八旗教習作十憶詩一時傳誦內有憶手鈔山陽耆舊詩二首其小序云吾淮詩人漢枚都尉始其詩卽古詩十九首中之十首也十九首爲古詩鼻祖而半出都尉手宜淮詩之傳世多矣乃漢魏唐宋尙有傳人自元後無可指名者明代流傳亦少予求之數十年于宋元得三家於明得數十家手自抄寫積爲五大冊仿元氏中州集意人各詳其姓字官階時代先後閒論次其逸事名曰山陽耆舊詩將上附枚乘陳琳趙嘏張耒諸集合而



粹之以存吾鄉文獻又得本朝詩集十餘種鈔錄未竟  
以出游置之至今爲胸中一未了事雖余力薄未必卽  
能有成然藏壑之舟有力者負之以趨不難也特恐兒  
子輩不知愛惜使予心力付之飄風劫火功未就而罪  
已莫解卽得好事者再爲搜輯益日遠而日難矣山夫  
著書甚富已刻者僅別雅一種乃其少作晚年自言其  
書不足觀以予所見尙有六書引經考六經述部序辨  
金石存正字通正山陽志叢辨四朝黃河圖說刪定潛  
邱劄記皆可傳者其所藏金石碑版文尤富其山陽耆  
舊詩五冊予於壬寅歲假歸適先生次子與紫坪子鍾

同入學因得索其遺書止存二大冊耳予購得之以  
待好事者補輯之

盲女琵琶元時已有之至今江淮尤甚京師近年亦多  
少年游閒者藉以佐酒消遣不異青樓吾鄉楊幼鳧廣  
文年七十致仕回里饑餓不能出門戶後羣盲日造其  
門資其飲饌筠籠蠻榼窮極豐腆人不解其故久之知  
廣文以歌曲擅長多取耳聞目見之事演爲彈詞新聲  
綺調盲女以先得者聲價頓高廣文遂藉以娛老焉元  
瞿存齋過汴梁詩陌頭盲女無愁恨能撥琵琶說趙家  
又陸放翁詩斜陽古柳趙家莊負鼓盲翁正作場盲女



舊男由來舊矣

國初郡城園亭見于詩文者甚多今遺址無考以予所知畧識于此靳璧星茶坡草堂在新坡河北閣牛叟眷西堂在新城東門張養重虞山古調堂劉勃安昭華綠筠草堂在駙馬巷陳階六鷗笑齋在南市橋劉僉事訥菴思園簣園中有簣山在菜橋茶巷閣修齡再彭眷西堂金石度嘉樹軒在新城又一蒲菴影閣鷓巢鶴墩在平湖橋又西爲飲牛草堂張鞠存吏部毅文檢討花廳在北門內依綠園在蕭湖中有雲起閣曲江樓黃甫及鴻臚蘭岩觀察昉閣止園梅花嶺在蕭湖徐山琢侍郎

家南門大街其華平園有容園嶺雲閣在郭家墩邱曙戒侍講南齋季貞洗馬西軒玉蕊亭皆爲桐園之一在西長街倪天章一草亭張泗水漪園杜首昌湘草館秀園在湖嘴有插塵亭如如室天心水面亭黃翁谿梅花屋藕塘萬年少溪東邨屋在河下又濕西草堂在北門西岸馬孝廉西樵清奕軒不離草堂在隆興寺塔南徐動盈橫秋閣高臥堂白賁堂張力臣符山堂在清江浦樂六舞臺廬姜本生臆園邱且菴東里山莊張赤岸竹堂許念中黃門來鳳軒南樓在八字橋程徵君水南菴蒲曲在伏龍洞程爽林孝廉誰莊小人堂在城東莊外



戴晦夫寤硯齋在西長街楊彙征南邨草堂在府學東  
楊廣文棋益大椿樓博士孝廉景西晴霞山房老樹軒  
皆在南門大街沈厚肇移雲堂崔鴻臚春水樓在湖嘴  
陳曾餘明經墨莊瀟碧亭在駙馬巷吳子通樸山天笠  
齋海棠屏陳謂敬淇園徐日馭北山草堂劉萬資萬吹  
兄弟竹素園頌酒草堂邊壽民葦間書屋蓮葉仙舟在  
梁皮橋陸觀察密菴月澹孫竹民素園皆在北門內周  
徵君白民清來室止齋在雙刀劉巷高明經思亭亦  
愛廬芍圃在丁光橋先徵君鶴緱先生宅在新城宅內  
有水園南有山園曰冬青樓雙棗軒經堂修竹廊自吟

亭古香樓松石齋十餘處又夏雲草堂在東邨藍邱草  
堂在南莊先大夫于王申歲移居城西北隅家塾東曰  
味素齋西曰七錄齋爲愚兄弟讀書處勺湖草堂則水  
面數椽講學論文之所其春風亭瓣香書屋魯頌亭皆  
門弟子所增葺也

楚時康備童謠 列子

中條樓起詩

有耀櫻生感迹

詩緯



蘇明夫寤初齋在西長街楊震仙南草堂在府學東  
楊廣文棋盆大楮樓博士孝廉景西晴霞山房老樹軒  
皆在南門大街沈厚肇移雲堂崔鴻臚春水樓在湖嘴  
陳曾飲明齋在湖嘴在湖嘴老吳子過橋山天竺  
齋海棠屏陳謂敬淇園徐日馭北山草堂劉蘭齋萬吟  
門弟千祀餘遺山  
草堂邊壽民草間書屋蓮葉仙舟在  
面邊赫韞學篇文之祖其春風亭機香書墨齋與亭皆  
湖素齋西曰小澹齋為愚兄弟齋書墨以時草堂頃水  
堂在兩掖夾大夫于王申齋蘇試城西北開寒燹東曰  
亭古香齋蘇百齋十齋處又夏雲草堂在東湖盪草

藝海珠塵

集部評選類

南淮 吳 省蘭 泉之輯  
鄞縣 徐 受荃 楚香校

古今風謠

楊 慎 慎 仕履已見

堯時康衢童謠 列子

立我蒸民莫非爾極不識不知順帝之則

中侯稷起謠 詩緯

蒼耀稷生感迹

昌握契謠 詩緯

古今風謠

古今風謠



元鳥翔水遺卵流城簡狄吞之生契封

包山諺

楊方吳越春秋。沈懷園南越志曰牛女之分揚之末土也爰有大山州實曰秦望又有石簣峻起壁立內有金簡玉字

禹得金簡玉字書藏在洞庭包山湖

西海童謠

吳王出遊觀震湖龍威丈人名隱居北上包山入靈墟

乃造洞庭竊禹書天地大文不可舒此文長傳百六初

今強取之喪國廬一作若強取出

殷末謠三首

代殷者姬昌日衣青光

春秋元命包

殷惑妲己玉馬走

尚

白也陳子昂詩昔日殷王子玉馬遂朝周。走音近起。論語比識

上天弗恤夏命其

卒呂覽

隨雒二謠二首。詩緯

昌受符厲倡嬖斯十之世權在室

剡者配姬以放賢

山崩水潰納小人家伯罔主異哉震

剡者指艷妻也孔穎達曰剡艷古今

耳字

白雲謠

穆天子傳曰天子觴西王母于瑤池之上西王母為天子謠天子答之

白雲在天山陵自出道里悠遠山川間之將子無死尚

能復來

山陵當作邱陵

穆天子謠



子歸東土和洽諸夏萬民平均吾顧見汝比及三年將復而野

穆天子傳曰天子東遊于黃澤使宮樂謠云

黃之隄其馬歎沙皇人威儀皇之澤其馬歎玉皇人壽穀

周宣王時童謠國語作童謠漢書五行志有女字

檠弧箕服實亡周國也

山桑曰檠弧弓也箕竹名服矢房也。列子良弓之子必學為箕蓋矢房舊說以為簸箕之箕非。顏師古曰服盛箭者今之步又箕草似荻而細織之為服也。按箕字韋昭以為木名師古以為草名

魯國童謠左氏傳魯文成之世童謠也至昭公時有鸛鶴來巢公攻季氏敗出奔齊居外

野次乾侯八年死于外歸葬魯昭公名稠公子宋立是為定公

鸛之鶴之公出辱之鸛鶴之羽公在外野往饋之馬鸛鶴跖跖公在乾侯徵褰與襦鸛鶴之巢遠哉遙遙稠父以勞宋父以驕鸛鶴鸛鶴往歌來哭

論語比考識

子欲居九夷從鳳嬉

春秋左氏傳曰晉獻公伐虢圍下陽問於卜偃曰吾其濟乎偃以童

謠對曰

丙之晨龍尾伏辰昶服振振取虢之旂鸛之賁賁天策焯焯火中成軍號公其奔

古今風謠

古今風謠

三



晉惠公時童謠

漢書五行志曰晉惠公賴秦力得立而背秦內殺二大夫國人不能及更葬其兄恭太子申生而不敬故詩妖作也

恭太子更葬兮後十四年晉亦不昌昌乃在其兄

楚昭王時童謠

家語

楚王渡江得萍實大如斗赤如日剖而食之甜如蜜

周末時童謠

家語

天將大雨商羊鼓儻

春秋時長春謠

易妖占

豐其屋下獨苦長狄生世主虜

齊人謠

春秋寶乾圖

移河為界在濟呂填闕入流以自廣

書九河注疏引之言齊桓公闕入流

拓境塞其東流八枝并使歸于徒駭也

齊人東郭謠

東郭有犬嗷嗷日夕欲噬我猥西郭有犬嗷嗷日夕欲

噬我猥北郭有犬嗷嗷日夕欲噬我猥

指豎刁易牙開方三子也

吳夫差時童謠

梧宮秋吳王愁

燕昭王時童謠

戰國策田單攻狄不下童謠曰

大冠若箕修劍拄頤攻狄不能下壘枯邱

趙殺李牧童謠



秦為笑趙為號以為不信視土上生毛

秦皇時民謠揚泉物理論

生男慎勿舉生女哺用脯不見長城下尸骸相支拄

三戶謠懷王為張儀所欺客死於秦至王負芻遂為秦所滅百姓哀之為之語曰

楚雖三戶亡秦必楚

甘泉謠

運石甘泉口河水不敢流千人唱萬人謳金陵餘石大

如漚

虞美人帳中歌史記正義

漢軍已略地四面楚歌聲大王義氣盡賤妾何聊生

平城歌

漢書匈奴傳高帝自將兵三十二萬擊韓王信帝先至平城步兵未盡到冒頓縱精兵三十餘萬圍帝于白登七日漢軍中外不得救餉天下皆歌之白登在平城東南十餘里

平城之下亦誠苦七日不食不能發弩

畫一歌

蕭何為法類若畫一曹參代之守而勿失載其清靜民

以寧類音較讀作獵較之較漢書作講史記作類言法之畫一若斗斛類量也

戚夫人歌

子為王母為虞終日春薄暮常與死為伍相離三十里

當誰使告汝

淮南王謠



一尺布暖融融一斗粟飽蓬蓬兄弟二人不見容此與漢書史記所載不同見淮南子敘錄

潁川歌漢書灌夫任俠為權利潁川兒歌之

潁水清灌氏寧潁水濁灌氏族

茂陵中書歌

都荔遂芳美磬鼓行

廣陵王歌廣陵厲王胥武帝第五子也昭帝無子胥有覲心迎女巫巫下神咒詛事發覺當死胥置酒夜飲鼓琴歌無

欲久生兮無終長不樂兮安窮奉天期兮不得須臾千里馬兮駐待路黃泉下兮幽深人生要死何為苦心何

用為樂心所喜出入無蹤為樂亟蒿里召兮郭門闕死不得取代庸身自逝

燕王歌燕王武帝第四子也昭帝時謀事不成歾人起舞坐者皆泣王自殺

歸空城兮狗不吠雞不鳴橫術何廣廣兮固知國中之無人

華容夫人歌

髮紛紛兮寘渠骨籍籍兮亡居母求死子兮妻求死夫  
衰回兩渠間兮君子將安居孟康曰寘音冪謂髮挂渠也

廣川王歌廣川王去為愛姬陶望卿作

古今風謠

古今風謠

六



背尊章嫖以忽謀屈奇起自絕行周流自生患諒非望  
今誰怨 愁莫愁生無聊心重結意不舒內第鬱憂哀  
積上不見天生何益日崔隲時不再願棄軀死無悔

京兆謠 漢書尹賞傳

何所求死子桓東少年場生時諒不謹枯骨竟何葬

匈奴歌 丁道志曰焉支祁連二山皆美水草匈奴

將萬騎出隴西討匈奴過焉支山千有餘里其  
奴又攻祁連山捕首虜甚衆祁連山即天山也  
習鑿齒與燕王書曰山下有紅藍足下先知否  
北方人採其花染緋黃接取其上英鮮者作脂  
脂婦人採將用顏色吾少時再三過見胭脂今  
日始親紅藍後  
當足致其種

失我焉支山令我婦女無顏色失我祁連山使我六畜  
不蕃息

長安謠 漢書佞倖傳曰成帝初石顯與妻子徙歸

顯為官皆廢罷少府五鹿充宗左遷元菟太  
史守史中丞伊嘉為鴈門都尉長安謠云

伊徙鴈鹿徙菟去牢與陳實無價

牢石歌 漢書佞倖傳曰元帝時石顯為中書令與  
僕射牢梁少府五鹿充宗結為黨友諂附

倚者得寵位民歌之  
言其兼官據勢也

牢邪石邪五鹿客邪印何纍纍綬若若邪

五侯歌 漢書曰成帝河平二年悉封舅大將軍王  
鳳庶弟譚為平阿侯商成都侯立紅陽侯

根曲陽侯逢時高平侯五人同日封故世謂之  
五侯時五侯羣弟爭為奢侈後庭姬妾各數十



人羅鐘磬舞鄭女作倡優狗馬逐馳大治第室起土山漸臺洞門高廊閣道連屬彌望百姓歌之言其奢侈如此按傳稱成都侯穿長安城引內澧水注第中大陂曲陽侯第園中土山漸臺類白虎殿則穿城引水非曲陽與歌辭不同高都外杜皆長安里名

五侯初起曲陽最怒壞決高都連竟外杜土山漸臺西白虎

漢成帝時歌謠漢書五行志曰成帝時歌謠也桂莽白謂黃象黃爵巢其顛也

邪徑敗良田讒口亂善人桂樹華不實黃爵巢其顛昔

為人所羨今為人所憐

漢成帝燕燕童謠漢書五行志曰成帝時童謠後帝為微行出遊常與富平侯張

放俱稱富平侯家人過河陽主作樂見舞者趙飛燕而幸之故曰燕燕尾涎涎美好貌也張公子謂富平侯也木門倉琅根為宮門銅鏃言將尊貴也後遂立為皇后與弟昭儀賊害後宮皇子卒皆伏辜所謂燕啄矢者也

燕燕尾涎涎張公子時相見木門倉琅根燕飛來啄皇孫皇孫死燕啄矢

更始時南陽童謠後漢五行志曰更始時南陽有大司馬平定河北更始大臣並僭專權故妖謠作也後更始遂為赤眉所殺是更始之不諧在赤眉也世祖自河北興

諧不諧在赤眉不得在河北

王莽時汝南童謠漢書曰汝南舊有鴻隙大陂郡以為饒成帝時關東數水陂溢



為害翟方進為相與御史大夫孔光共遣掾行視以為決去陂水其地肥美省隄防費而無水憂遂奏罷之及翟氏滅鄉里歸惡言方進請陂下良田不得而奏罷陂王莽時常枯旱郡中追怨方進時有童謠子威方進字也

壞陂誰翟子威飯我豆食羹芋魁反乎覆陂當復誰云者兩黃鵠

王莽末天水童謠時隗囂初起兵于天水後意稍廣欲為天子遂破滅囂少病蹇

吳門冀郭門名也緹羣山名也

出吳門望緹羣見一蹇人言欲上天今天可上地下安得民

漢博南謠明帝永平十年置允牟博南二縣割益州郡西部都尉所領六縣合為永昌郡

始通博南山度蘭倉水行者苦之歌曰

漢德廣開不賓度博南越蘭津度蘭倉為它人

建安六年蜀中童謠

黃牛白腹五銖當復

逢萌新乎歌逢萌首戴瓦盆哭于市

新乎新乎新莽也

會稽童謠後漢書曰張霸永元中為會稽太守時賊未解郡界不寧乃移書開購明用信賞賊遂束手歸附不煩士卒之力於是有童謠

棄我戟捐我矛盜賊盡吏皆休

後漢順帝末京都童謠



直如弦死道邊曲如鉤反封侯

後漢桓帝初小麥童謠

後漢五行志曰桓帝之初諸羌一時俱反南入蜀漢東抄三輔延及并冀大為民害命將出眾每戰常負中國益發甲卒者多委棄但有婦女獲刈之也吏買馬軍具車者言調發重及有秩者也請為諸君鼓隴胡者不敢言私咽語也

小麥青青大麥枯誰當獲者婦與姑丈夫何在西擊胡

吏買馬軍具車請為諸君鼓隴胡

後漢桓帝初京都童謠

後漢五行志曰桓帝之初后以譴自殺乃以實貴人代之其父名武字游平拜城門校尉及太后攝政為大將軍與太傅陳蕃合心戮力惟德是建印綬所加咸得其人豪貴大姓皆絕望矣

游平賣印自有平不避豪賢及大姓

後漢桓帝初城上烏童謠

後漢五行志曰桓帝之初京師童謠城上烏尾畢通者處高利獨食不與下共謂人主多聚斂也公為吏子為徒者言蠻夷將畔逆父即為軍吏其子又為卒徒往擊之也一徒死百乘車往也言前一入往討胡即死矣後又遣百乘車往也車班入河間者言桓帝將崩乘輿班入河間也靈帝既立其母永樂太后好聚錢為室金為堂者靈帝既立其母永樂太后好聚錢為室金為堂也石上慊慊春黃梁言永樂積金錢慊慊常若不足使人春黃梁而食之也梁下有懸鼓受欲擊之丞卿怒者言永樂主教靈帝使賣官受錢所祿非其人鼓者亦復諂順怒而止我也以求見丞卿主鼓者亦復諂順怒而止我也

城上烏尾畢通公為吏子為徒一徒死百乘車車班入河間河間姪女工數錢以錢為室金為堂石上慊慊



春黃梁梁下有懸鼓我欲擊之丞卿怒

後漢桓帝末京都童謠

後漢書五行志曰桓帝之末京都童謠按解續亭屬饒陽河間縣也居無幾何而桓帝崩使時與解續侯皆白蓋車從河間來延延衆貌也是時御史劉儵建議立靈帝以儵為侍中常侍侯覽畏其親近必當問已白拜儵太山太守因令司隸迫促殺之朝廷少長思其功效乃拔用其弟即致位司徒此為合諧也

白蓋小車何延延河間來合諧河間來合諧

漢元帝時童謠

井水溢滅竈煙灌玉堂流金門  
漢成帝建始二年三月北宮中井泉稍上溢出井水陰也竈烟陽也玉堂金門至尊之居象陰盛而滅陽竊有宮室之應也後有王莽之禍  
桓帝延熹二年四侯謠  
漢以誅梁冀功封宦者單超左瑁具瑗徐璜唐衡為

五侯在帝左右縱其姦惡家有數侯子弟列布州郡賓客雜襲騰翥海內愠曰一將軍死五將軍出其後超死四侯轉橫天下為之語曰

左回天具獨坐徐臥虎唐兩墮  
回天言勢動人主也獨坐言驕貴無偶也

後漢桓帝末時謠

茅田一項中有井四方纖纖不可整嚼復嚼今年尚可

後年饒  
一作饒嚼平聲京都飲酒相強之辭

靈帝中平中董逃歌

承樂世董逃遊四郭董逃家天恩董逃帶金紫董逃行謝恩董逃整車騎董逃重欲發董逃與中辭董逃出西門董逃瞻宮殿董逃望京城董逃日夜絕董逃心摧傷



董逃

按董謂董卓也言雖跋扈終歸逃竄至于滅亡也

布乎歌

士孫瑞王允謀誅董卓有人書曰字于布上負而行歌于市有告卓者卓不悟

布乎

與新乎歌同

獻帝初京都謠

千里草何青青十日不得生

千里草為董卓十日卜為卓

靈帝之末京都謠

侯非侯王非王千乘萬騎上北芒

靈帝之末京都謠歌

河臘叢進

英雄記云獻帝臘日生也

烏臘烏臘

風俗通曰董卓治天唐民關東舉兵

欲共誅之顧相轉望莫敢先進若烏臘蟲橫取之矣

後漢桓靈帝時謠

舉秀才不知書舉孝廉父別居舉孝廉濁如泥舉良

將怯如雞

獻帝初童謠

燕南垂趙北際中央不合大如礪惟有此中可避世

公瓚以為易地當之遂徙鎮焉

封使君謠

古傳記言漢宣城郡守封邵一日化為虎食郡民民呼

曰封使君即去不復來其地謠曰莫學封使君生不治

民死食民張禹山詩曰昔日漢使君化虎方食民今日



使君者冠裳而喫人又曰昔日虎使君呼之即漸止今日虎使君呼之動牙齒又曰昔時虎伏草今日虎坐衙大則吞人畜小不遺魚蝦或曰此詩太激禹山曰我性然也余嘗戲之曰東坡嬉笑怒罵皆成詩公詩無嬉笑但有怒罵耳

城中謠 古今諺作馬廖引長安今刪

城中好高髻四方高一尺城中好廣眉四方且半額城中好大袖四方全匹一作帛

二郡謠 汝南太守宗資任功曹范滂南陽太守成瑨亦任功曹岑暉滂字孟博暉字公孝二郡為謠

汝南太守范孟博南陽宗資主畫諾南陽太守岑公孝宏農成瑨但坐嘯

後漢黎陽張公謠

公與守相駕蜚魚往來倏忽遠熹娛祐此兆民寧厥居

咄咄歌  
棗下何纂纂榮華各有時棗初欲赤時人從四面來棗適今日罄誰當仰視之

陳留童謠 頌仇覽也

父母何在在我庭化我鴟梟哺所生  
鄴城童子謠 本王粲刺曹操辭也唐李賀追擬之



鄴城中暮塵起探黑丸斫文吏棘為鞭虎為馬團團走  
鄴城下切玉劍射日弓獻何人奉相公扶穀來關右兒  
香掃塗相公歸

鄴中謠

鳳陽門南天一半上有金鳳相飛喚欲去不去著鐵絆

○鄴城門有金鳳二枚一飛入漳水一以鐵絆其足

魏黃初童謠

廣五行志魏文帝為美人薛靈芸築臺高三丈列燭臺下遠近望之如

列星墜地又為銅表志里數行者歌謠云云銅表志道是土上出金列燭如星是火照臺也漢火德魏土德火伏而土興土上出金是魏滅而晉興之兆晉以金德王故也

青槐夾道多塵埃龍樓鳳閣望崔嵬清風細雨雜香來

土上出金火照臺

祝魴繆歌

高士傳魏伐吳有竊問隱士焦先先不

指吳殺辦指魏也

祝魴祝魴非魚非肉更相追逐本為殺牂羊更殺殺

魏明帝景初中童謠

魏明帝時謠云云及司馬懿平遼東歸當還鎮長安會帝

疾篤急召之乃乘追鋒車東渡黃河終翦魏室如童謠之言也

阿公阿公駕馬車不意阿公東渡河阿公東還當奈何

魏曹爽策政時童謠

曹爽之勢熱如湯太傅父子冷如漿李豐兄弟如遊光

何鄧丁亂京城

指何晏鄧

指何晏鄧

古今風謠

古今風謠



魏明帝太和中兜鈴曹子歌

當奈汝曹何其後曹爽見誅曹氏竟衰

魏齊王嘉平中謠

白馬素羈西南馳其誰乘者朱虎騎朱虎者楚王彪之小字也王凌令孤

愚聞此謠謀立彪事發凌等伏誅彪遂賜死

吳初童謠

黃金車斑蘭耳開闔門見天子

吳孫休永安二年小兒謠干寶晉紀曰永安二年小兒羣聚嬉戲有異小

兒忽來言曰云云又曰我非人熒惑星也言畢上昇仰視若一疋練有頃沒後四年而蜀亡六年而魏廢二十年而吳平於是九服歸晉司馬氏

三公鋤司馬如

吳孫亮初童謠

吁汝恪何若若蘆葦單衣篋鈎絡於何相求揚子閣揚子閣反語謂石子岡也及諸葛恪死果以葦席裹身篋束其腰投之石子岡後聽恪故吏收葬求之此岡云云

吳黃龍中童謠周處風

行白渚君追汝句驪馬後孫權征公孫淵浮海乘船自也後變為白紵詞

吳孫亮初白鼉鳴童謠

白鼉鳴龜背平南郡城中可長生守死不去義無成出

文昌擬白鼉謠云天欲雨有東風南谿白鼉鳴谿中六月人家非無水夜聞白鼉人盡起

吳孫皓初童謠

古今風謠



寧飲建業水不食武昌魚寧還建業死不止武昌居

吳孫皓時石印山詩

楚九州渚吳九州都揚州士作天子四世治太平矣

吳孫皓天紀中童謠

阿童復阿童銜刀浮渡江不畏岸上虎但畏水中龍

阿童小字

晉太始中童謠晉書曰太始中人為賈充等謠言亾魏而成晉也

賈裴王亂紀綱王裴賈濟天下

晉武帝太康後童謠

局縮肉數橫目中國當敗吳當復 宮門柱且莫朽吳

當復在三十年後 雞鳴不拊翼吳復不用力于時吳人皆謂

在孫氏子孫故竊發為亂者相繼按橫目四字自吳亾至晉元帝興幾四十年皆如謠云元帝儒而少斷局縮肉直斥之也干寶云不如所斥諱之也

太康末京洛楊柳歌

春風尚蕭條去故來入新苦辛非一朝折楊柳愁思滿

腹中歷亂不可數是時二楊貴盛而被誅滅太

惠帝永熙中温縣謠

光光丈長大戟為牆毒藥雖行戟還自傷楊駿居內府以戟為衛死

時又為兩火沒地哀哉秋蘭歸形街郵終為人歎兩

武帝諱炎也楊后被廢賈后絕其膳入口而崩葬街亭郵北

古今風謠

夫



晉永熙中童謠晉五行志下有大有石壓之不得舒一句

二月末三月初荆筆楊版行詔書宮中人馬幾作驢時駿專權楚王用事故言荆筆楊版○別集明載三月初下有桑條蓓蕾柳葉舒一句

晉惠帝元康中京洛童謠

南風起吹白沙遙望魯國何差幾千歲羈縻生齒牙南風賈后字沙門太子小字魯賈謚國也白晉行也

城東馬子莫嚨啣比至來年纏汝髮

晉惠帝洛陽童謠

鄴中女子莫干妖前至三月抱胡腰明年胡賊石勒劉曜反

晉惠帝元康中屠蘇謠時天下商賈通著太鄣日童謠云及趙王倫篡位

其曰實

屠蘇鄣日覆兩耳當見瞎兒作天子

晉趙王倫既僭位洛中謠

虎從北來鼻頭汗龍從南來登城看水從西來河灌灌

時齊王成都王河間王義兵同會討倫成都西藩而在鄴故曰虎從北來齊東藩而在許故曰龍從南來河間水區而在關中故曰水從西來著布和腹為齊持服未幾齊王同敗草木

萌芽殺長沙長沙王又以正月二十七日誅

晉惠帝大安中童謠

五馬游渡江一馬化為龍

晉惠帝時蜀中謠

古今風謠

古今風謠

七



江橋頭關下市成都北門十八字十八字李也其後李流據蜀僭號

閣道謠

閣道東有大牛王濟鞅裴楷韜和嶠刺促不得休刺促世說

作賜

晉吳縣統如謠鄧攸為吳令載米之官俸祿無所受惟飲吳水而已及去郡百姓數千人留牽攸船不得進乃以小舟夜中發去吳人歌之

統如打五鼓雞鳴天欲曙鄧侯挽不來謝令推不去

晉懷帝永嘉初謠晉五行志荀晞將破汲桑前有此謠元超東海王越字也

元超兄弟大洛度上桑打葦為苟非

晉懷帝永嘉初洛中童謠

洛中大鼠長尺二若不早去大狗至時東海王越與荀晞搆犯

晉永嘉中童謠三十國春秋

秦州中血沒腕惟有涼州倚柱觀

晉愍帝建興中江南謠

匄如白坑破合集持作甌揚州破換敗吳興復甌甌者曰

晉得坑器有口屬瓦質剛亦金類也白坑破中原亂也合集持作甌者元帝偏安也揚州破換敗石頭被焚掠也甌甌瓦器又小于甌也

晉建興中北州謠

府中赫赫朱邱伯十囊五囊入棗郎一作棘郎時朱碩棘嵩皆貪橫

晉愍帝初童謠



天子何在豆田中

建興四年降于劉曜在城東豆田中

晉明帝大寧初童謠

側側力力牧馬山側大馬死小馬餓高山崩石自破明及帝崩成帝幼為蘇峻所逼遷于石頭御膳不足此大馬死小馬餓也高山峻也言峻斃死石峻弟蘇石也峻死石據石頭

晉咸康二年河北謠

麥入土殺石武

晉吳中童謠

寧食下湖苻不食上湖蓴庾吳沒命喪復殺王領軍無幾而庾義王洽相繼而亡

晉成帝末童謠

磳磳何隆隆駕車入梓宮不日而宮車晏駕

晉江南謠

誰謂爾堅石打破桓壑因此以石名諸子

晉涼州謠

涼州鳴苕寇賊消指張軌鴻從南來雀不驚誰謂孤離

尾翅生高攀六翮鳳皇鳴

哀帝隆和初童謠

升平不滿斗隆和那得久桓公入石頭陛下徒跣足升平五年而穆帝崩不滿斗之應也



鳳皇歌海西公初生皇子百姓歌云其歌甚美其旨甚微海西公不男使左右向龍與內侍接生子以爲巴子

鳳皇生雛天下莫不喜本言是馬駒今定成龍子

晉太和末童謠

犁牛耕御路白門種小麥未幾海西公被廢

晉太和中御路楊歌

青青御路楊白馬紫遊韁汝非皇子那得甘露漿識者解曰

白者金行馬者國姓海西公尊廢三子非血允皆縊死之明日南方進甘露焉

晉孝武太元末京口謠

黃雌雞莫作雄父啼一旦去毛衣被拉颯棲王恭起兵誅

王國寶旋爲劉牢之所敗

晉京口民間謠

黃頭小人欲作賊阿公在城下指縛得黃頭小人欲

作亂賴得金刀作蕃扞按黃字上恭字頭也小入恭字下也金刀劉也

歷陽重羅黎歌時庚楷鎮歷陽後楷奪率

重羅黎重羅黎使君南上無還時

晉荊州童謠時殷仲堪在荊未幾仲堪敗桓元于是遂有荊州

木孤 苾籠目繩縛腹殷當敗桓當復齊諧記所載稍不同苾籠目繩縛腹車無軸倚

晉荊州麥麩謠附京口謠後

古今風謠

手



昔年食白飯今年食麥麩音楚天公誅謫汝教汝捻嚙喉斯也復喝京口敗復敗事應同京口民間謠

黃曇子歌

黃曇英揚州大佛來上明時桓石民為荊州鎮上明頃

枕小字也

晉安帝元興初童謠桓元篡位時

征鍾落地桓迸走征鍾至穢之服桓四體之下稱元自

民口草生及馬腹烏啄桓元目桓元篡弒在元興二

陵五月中誅長干巷巷長干今年殺郎君明年殺諸

如其期焉桓元顯也

晉安帝隆安中懊懣歌

草生可攬結女兒可攬擷尋而桓元篡位義旗以三月

及逆黨之子

晉安義熙初童謠女為軍賞

官家養蘆化成荻蘆生不止自成積蘆生漫漫竟天

半十丈瓦屋八九間蘆作柱薤作闌蘆橙橙逐水

流東風忽如起那得入石頭尋有蘆循之亂

庾公歌

庾公上武昌翩翩如蜚鳥庾公還揚州白馬牽旒旒

庾公上武昌翩翩如蜚鳥庾公還揚州白馬牽流蘇未幾

古今風謠

古今風謠

三



庾亮卒于武昌

桓元時童謠

車無軸倚孤木繩縛腹苾籠目土二句桓字下二字言其敗死元之敗果以繩

縛至苾籠其首沉之江中

苻洪時隴右謠

雨若不止紅雨必起

苻生時長安謠

東海大魚化為龍男便為王女為公問在何所洛門東生遂誅其侍中魚遵後苻堅殺生而代之堅封東海

苻生時謠

百里望空城鬱鬱何青青瞎兒不知法仰不見天星

苻堅時關中謠

長鞘馬鞭擊左股太歲南行當避

苻堅時童謠一名豐樂謠

長安大街兩邊種槐下走朱輪上有鸞棲第二句一本作夾樹楊槐

鳳皇鳳皇止阿房後堅為慕容冲所敗冲小字鳳皇一雌復一雄

雙飛入紫宮堅納慕容冲姨清河公主冲十四亦阿

堅連牽三十年後若欲敗時當在江湖邊堅在位凡三十年

魚羊田斗當滅秦鮮卑也時又有人于明光殿大呼曰甲申乙酉魚羊食人悲哉無復遺

河水清復清苻詔死新城



呂光時涼州謠

朔馬心何悲念舊中心勞燕雀何徘徊意欲還故巢

劉曜時玉方尺詩謠

皇王皇王改趙昌井水竭構五梁粵西小哀因囂喪嗚呼嗚呼赤牛奮鞞其盡乎

宋元嘉中魏地童謠

南史曰宋元嘉二十七年魏太武帝圍汝南成過淮自廣陵返攻盱眙就臧質求酒質封漉便與之且報書云不聞童謠言即虜馬飲江水佛狸死卯年真期使然非復人事尔知識及眾豈能勝苻堅耶項年展尔陞梁者是尔未飲江太歲未卯也時魏地有童謠故質引之云

虜馬飲江水佛狸死卯年 軺車北來如窮雉不意虜

馬飲江水虜主北歸石濟死虜欲渡江天下徙

宋大明中謠

南史曰奚顯度者為員外散騎侍郎苛虐無道考囚或用方材壓額及踝脛故民間有此謠

寧得建康壓額不能受奚度拍

宋時謠

南史曰宋時用人乖實有謠云

上車不落為著作體中何如作祕書

齊武帝永中童謠

赤火南流喪南國

時有沙門賁此火自北入齊大火異于常火詔禁之

王子年歌

南史曰齊太祖高皇帝諱道成姓蕭氏未受命時王子年亦作此歌

欲知其姓草蕭蕭穀中最細低頭熟鱗身甲體永興福



三禾穆穆林茂滋金刀利刃齊燬之未幾蕭道成興

永元元年童謠

洋洋千里流流髮東城頭烏馬烏皮袴三更相告訴脚跛不得起誤殺老姥子

又

野豬雖嗥嗥馬子空閭渠不知龍與虎飲食江南墟七九六十三廣莫人無餘烏集傳舍頭令汝得寬休但看三八後催拆景陽樓

宋明帝昇明時石頭城謠宋中書監袁粲謀誅蕭道成不克而死百姓哀

之為之謠曰

可憐石頭城寧為袁粲死不作褚淵生

齊廢帝隆昌中童謠

楊婆兒共戲來時有女巫子楊曼隨入宮為何后所寵

齊東昏時都下謠

欲求貴職依刀救須得富豪事捉刀

齊東昏時宮中謠

趙鬼食鵬翻諸鬼盡著調東昏時左右應救捉刀之徒並專國命謂之刀較權奪人主梁武帝平齊皆誅之初左右刀救之徒悉號曰鬼俗以細判肉糝以薑桂曰翻意者以凶徒當細判烹之也

梁武帝在雍鎮時童謠

襄陽白銅蹄反縛揚州兒白銅蹄謂金蹄為馬也白金色也及義師之興實以鐵騎



揚州之士皆面縛如謠云

梁武帝時謠

南史曰梁武帝天監元年立長子統為皇太子時民間有謠按鹿子開者反為來子哭也後太子果薨

鹿子開城門城門鹿子開當開復未開使我心徘徊城中諸少年逐歡歸去來

梁武帝時北方童謠

魏降人王足求堰淮水引北方童謠云于是起浮山堰役二十萬人死者相枕蠅蟲晝夜聲合堰成無幾時淮水暴漲堰壞奔流於海殺數十萬人其聲若雷聞二百里水中怪物隨流而下或人頭魚身或龍形馬首殊類詭狀不可勝名先是鎮星守天江而堰實與退舍而決豈人事乎抑天道也

浮山為下流荆山為下格漳沱為激溝併灌鉅野澤

梁武帝天監三年寶誌公詩

南史曰梁武帝天監三年講於重雲殿沙門誌公忽然歌樂須臾悲泣因賦五言詩云太清二年臺城陷帝享國四十八年所言五十裏也太清元年而侯景自懸瓠來降在丹陽之北子地帝惑朱異之言以納景景之子地亂自戊申至午年帝憂崩

樂哉三十餘悲哉五十裏但看八十三子地妖災起佞臣作欺妄賊臣滅君子若不信吾語龍時侯賊起且至馬中間銜悲不見喜

梁武帝天監十年誌公詩

南史曰梁武帝天監十年誌公於大會中又作詩云侯景小字狗子幼自懸瓠來降懸瓠則古之汝南也巴陵南有地名三湘即景犇敗之所



兀尾狗子始著狂欲死不死齧人傷須臾之間自滅亡  
患在汝陰死三湘橫尸一旦無人藏

梁大同中童謠 隋書五行志曰梁大同中有童謠其後侯景破丹陽乘白馬青絲為

勒以應之

青絲白馬壽陽來

梁大同中鄱陽歌 南史曰梁陸襄為鄱陽內史大

同初郡人鮮于琮結門徒殺廣  
吏修城隍為備及賊至破之生擒琮時郡守  
幸案其黨與皆不得實或有善人盡室罹禍惟  
襄郡枉直無濫民乃作歌又有彭李二家因忿  
爭相誣告襄引入內室不加責請但和言解喻  
之二人感恩深自悔咎乃為設酒食令其盡歡  
酒罷同載而還因相親厚民因歌之

鮮于抄後善惡分人無橫暴賴陸君 陸君政無怨家

鬪既罷離共車

梁世童謠

王氣在三餘 武帝聞之乃于餘干餘姚餘抗為厭勝後

梁時童謠 梁史曰臨賀郡王正德性凶隱其後梁

不欲道其惡之如是故有童謠

寧逢五虎入市不欲見臨賀父子

梁末童謠 南史曰梁末有童謠及王僧辨滅說者

王字也塵謂陳也江東謂殺羊角為卑

可憐巴馬子一日行千里不見馬上郎但有黃塵起黃



塵汚人衣阜茨相料理

梁武帝父子詩識

梁武帝冬日詩雪花無有帶冰鏡不安臺  
詠月詩飛輪了無徹明鏡不安臺竟成臺城之讖

陳初童謠

隋書五行志曰陳初有童謠其後陳主果為韓擒所敗擒本名擒虎黃斑之謂也破建康之始復乘青

黃斑青驄馬發自壽陽溪來時冬氣末去日春風始

又

御路種竹篠蕭蕭已復起合盤貯蓬塊無復揚塵已

陳初時謠

日西夜烏飛拔劍倚梁柱歸去來歸山下

陳後主時婦人突唱

南史曰後主在東宮時有婦人突入唱曰畢國王有鳥一

足集其殿庭以背畫地成文云云解者以為獨足者蓋指後主獨行無眾盛草言荒穢隋承火運草得火而灰及至京師與家屬館于都水臺所謂上高臺當水也其言皆驗

獨足上高臺盛草變為灰欲知我家處朱門當水開

齊雲觀歌

隋書五行志曰陳後主造齊雲觀國人歌之功未畢而為隋師所虜

齊雲觀寇來無際畔

曲堤謠

北史曰宋世良為清河太守才識開明尤善政術郡東南有曲堤羣盜所萃世良施八條之制盜奔它境而民為此謠

曲堤雖險賊何益但有宋公自屏跡



元魏時洛陽謠

洛陽女兒急作髻瑤光寺尼奪作婿

元魏河東謠

秦州地東杼軸代春元公至止田疇始理

趙郡謠

北史曰後魏李孝伯父曾道武時為趙郡太守令行禁止并州丁零數為山東害知

曾鹿能得百姓死力不敢入境賊于常山界得一死鹿賊長謂趙郡地也責之還令送鹿故處其

見憚如此郡人為之謠

詐作趙郡鹿猶勝常山粟

後魏宣武孝明時謠

北史魏本紀曰宣武孝明間謠識者以為索謂魏本索虜

焦梨狗子指字文泰俗謂之黑獺也

狐非狐貉非貉焦梨狗子齧斷索

後魏末童謠

北史齊本紀曰後魏末童謠接蒙然兩頭于文為高河

邊殺辦為水邊羊指帝名也于是徐之才勸帝受禪焉

一束蒙雨頭然河邊殺獾飛上天

東魏童謠

北史曰東魏童謠按青雀子謂靜帝時清河王之世子也

也鸚鵡謂齊神武也後竟為齊所滅

可憐青雀子飛來鄴城裏羽翮垂欲成化作鸚鵡子

敕勒歌

樂府廣題曰北齊神武攻周玉壁士卒死

歡鼠子親犯玉壁劍弩一發元凶自斃神武聞

神武自和之其歌本鮮卑語易為齊言故其句長短不齊



勅勒川陰山下天似穹廬籠蓋四野天蒼蒼野茫茫風吹草低見牛羊

元魏世謠

河南種穀河北生白楊樹頭金雞鳴

北齊童謠

周里跋求伽豹祠嫁石婆斬家作媒人惟得一量紫綰

靴其後崩

又

九龍母死不作孝婁后崩武成不改服

北齊童謠

白羊頭尾禿殺斃頭生角

又

羊羊喫野草不喫野草遠我道不遠打爾腦

北齊天保中陸法和書識北史曰天保中陸法和入國書其屋壁云云時

文宣皇帝享國十年而崩廢帝嗣立百餘日用替厥位孝昭即位一年而崩此其驗也

十年天子爲尚可百日天子急如火周年天子迭代坐

北齊文宣時謠北史齊本紀曰帝以午年生故曰馬子三臺石季龍舊居故曰石室

三千六百日十年也果如謠言

馬子入石室三千六百日

北齊後主武平初童謠隋書武平元年四月龍都王胡長仁謀遣刺客殺和

古今風謠

古今風謠

疾



士開事露反為士開所藉而死

狐截尾你欲除我我除你

北齊後主武平中童謠

隋書五行志曰開被誅九月瑯琊王暹書十一月趙

彥深出為西州刺史

和士開七月三十日將你向南臺八月七月刈禾傷早九

月喫餅正好十月洗湯飯甕十一月出却趙老

北齊後主武平末童謠

穆后小字黃花

黃花勢欲落清尊滿酌

北齊鄴都童謠

可憐青雀子飛入鄴城裏作窠猶未成舉頭失鄉里寄

言與父母好看新婦子

玉壁童謠

攏攏頭團團河中狗子破爾苑

攏指高歡狗子指宇文泰山

北齊謠

阿麼姑福也道人姑夫死也

道人謂廢帝后曾為尼故云阿麼帝崩后嫁楊愔

北齊武定中童謠

高者齊姓也澄文襄名

百尺高竿摧折水底然燈澄滅

北齊太上時童謠

千里買藥園中有芙蓉樹破家不分明蓮子隨宅去

北齊童謠



中興寺內白鳥翁四方側聽聲雍雍道人聞之夜打鐘

北齊武成謠

盧十六雉十四隄子拍頭三十二年其後武成崩

北齊童謠

百升飛上天明月照長安後周韋孝寬密為此謠令人

疑因續之曰盲老公背受人斧饒舌老母不得語帝以問疑疑曰百升斛也盲老公臣也與國同憂饒舌老母

女侍中陸氏也帝信之執光殺之

北齊末鄴中童謠

金作掃帚玉作把靜掃殿屋迎西家

後魏咸陽王歌北史後魏咸陽王禧謀逆伏誅後宮人為之歌其歌遂流于江表

可憐咸陽王奈何作事誤金妝玉几不能眠夜起踏霜

露洛水湛湛彌岸長行人那得渡

邯鄲郭公謠樂府廣題北齊後主高緯雅好傀儡謂之郭公謠時人戲為郭公歌蓋語

也妖

邯鄲郭公九十九伎倆漸盡入滕口大兒緣高岡雉子

東南走不信吾言時但看歲在西

宇文周初童謠周靜帝隋氏之甥甥既遜位而崩諸舅強盛

白楊樹頭金雞鳴祇有阿舅無外甥

宇文周宣王歌

自知身命促秉燭夜行遊



玉浪歌佛

江槎分玉浪管炬開金鎖五口相共行九十無彼我

隋煬帝二豎子歌

住亦死去亦死未若乘船渡江水

隋大業中童謠

桃李子鴻鵠繞陽山宛轉花林裏莫浪語誰道許其後李密

潛結羣盜自陽城山而襲破洛口復屯兵洛宛內莫浪語密也字文化及自號許國等亦破滅

隋大業長白山

長白山前知世郎純著紅羅綿背帶長稍侵天半輪刀  
耀日光上山喫獐鹿下山喫牛羊忽聞官軍至提刀向

前邊譬如遼東死斬頭何所傷

長白山歌北史來整榮國公護之子也尤驍勇討擊所向皆捷諸賊歌之

長白山頭百戰場十五五把長鎗不畏官軍千萬衆

只怕榮公第六郎

隋末詩讖

江都迷樓宮人枕靜夜半樹云河南楊柳歌江北李花  
營楊柳飛綿何處去李花結果自然成又煬帝作鳳膺  
歌云三月三日到江頭正見鯉魚波上遊意欲持鈎往  
撩取恐是蛟龍還復休皆唐興之兆又煬帝索酒歌云  
宮木陰濃燕子飛興衰自古漫成悲他日迷樓更好景



宮中吐燄奕紅輝其後迷樓為唐兵所焚竟叶詩讖海

山記

玉漿泉謠隋書豆盧勣為涇州刺史烏鼠山絕壁

有白鳥翔止聽前乳子而後去民乃謠云

我有丹陽山出玉漿濟我人夷神鳥來翔

唐武德初童謠新唐書五行志云寶建德未敗時有此謠云

豆入牛口勢不得久

唐貞觀中高昌國童謠後大總管侯君集帥師伐高昌平之以其地置西州

又置安西都護府

高昌兵馬如霜雪漢家兵馬如日月日月照霜雪回首

自消滅

唐高宗永淳初童謠是歲七月東都大雨人多殍死

新禾不入箱新麥不入場迨及八九月狗吠空垣牆

唐高宗永淳中童謠

嵩山凡幾層不畏登不得但恐不得登三度徵兵馬傍

道打騰騰高宗屢欲封禪以歲荒邊警而止永淳中既至山下未及行禮患疾還宮而崩

唐武德初廉州顏有道歌唐書顏游秦師古叔父武德初為廉州刺史郡

人歌之

廉州顏有道性行同莊老愛民如赤子不殺非時草

貞觀中新河歌薛大鼎貞觀中為滄州刺史州界有無棣河隋末填廢奏開之引魚



鹽於海百  
姓歌之

新河得通舟楫利直達滄海魚鹽至昔日徒行今結駟  
美哉薛公德滂被

薛將軍歌

薛仁貴擊九姓突厥于天山時九姓有  
衆十餘萬令驍健數十人逆來挑戰仁  
貴發三矢射殺其餘一時下馬請降仁貴恐為  
後患並坑殺之于是九姓衰弱不復為患邊人  
之歌

將軍三箭定天山戰士長歌入漢關

唐永徽末里謠

桑條草也女時草也

後韋后  
用事

龍湖中時人飲酒令

子母相去離連臺拗倒

俗謂杯盤為子母又名盤子  
子母去離武后廢帝于房州也

龍朔中里歌有突厥鹽

鹽曲名有黃帝于房州也  
昔昔鹽唐書又云武后時  
民間飲酒謳歌曲不盡者謂之  
宋時有烏鹽角或謂得曲始于  
時有突厥之警

其辭亡傳

天淳後民歌

楊柳漫頭駝

其後徐敬業舉兵討武后自授揚州  
司馬李孝逸擒斬之驛馬駛入洛

垂拱後東都契苾歌

皆淫靡之詞契  
苾張易之小字

其辭亡傳

武后時童謠



紅綠複裙長十里五里聞香

武后長壽元年民間謠

時選舉大濫天下有是謠云云有舉人沈全交取而續之曰糊心存撫使眯目聖神皇為御史紀先知所擒劫其誹謗之罪太后笑曰但使卿輩不濫何恤人言先知慙

補闕連車載拾遺成斗量櫻槌侍御史盃脫侍中郎

齊魯謂四齒杷曰櫻

如意中黃麀歌

黃麀黃麀草裏藏彎弓射爾傷

唐景龍中謠

一條麻線挽天樞絕去也

初武后造天樞其後中宗即位敕令推倒之

唐咸亨以後謠

莫浪語阿婆嗔三叔聞時笑殺人

阿婆者則天也三叔中宗為第三也

唐中宗神龍以後民謠

山南烏鵲窠山北金駱駝鏃柯不鑿孔斧子不施柯

山南唐也烏鵲窠人居寡也山北胡也金駱駝虜獲而重載也

洛州安樂寺童謠

可憐安樂寺了了樹頭懸

舊唐書安樂公主于洛州造安樂寺擬于宮掖巧妙過之

景龍中民謠

黃特犢子挽鞞斷兩足踏地鞵繻斷城南黃特犢子韋

史皆不著事應又有阿緯娘歌詞亦不傳



景龍中聖蓋寺民謠

可憐聖蓋寺身著綠毛衣牽來河裏飲踏殺鯉魚兒

永徽中田使君歌

田仁會為郢州刺史百姓歌之

父母育我田使君精誠為人上天聞田中致雨山出雲

唐元宗在潞州時謠

羊頭山北作朝堂

唐天寶中童謠

燕燕飛上天天上女兒鋪白瓊瓊上有千錢

天寶十四載安祿山

以范陽叛明年僭號燕

唐天寶中元都觀詩妖

燕市人間去函關馬不歸若逢山下鬼環上係羅衣

又

義髻拋河裏黃裙逐水流

楊妃外傳

梁誌公謠識

其應在天寶中故附于此

兩角女子綠衣裳却背太行邀君王一止之月必消亾

劉餗隋唐嘉話曰兩角女子安字也綠者祿也一止正月也安祿山果敗

唐天寶中幽州童謠

舊來誇戴竿今日不堪看但看五月裏清水河邊見契

丹

吳元濟將敗之兆



裴度征淮西掘得一碑上有謠云井底一竿竹竹色深  
深綠雞未肥酒未熟障車兒郎且須縮有識之者曰雞  
未肥肥去月乃已字酒未熟去水乃酉字後果以已酉  
日擒吳元濟宋人四六有學慙鼠獄智乏雞碑下句正  
用此事鼠獄張湯傳

瞿塘行舟謠

灩澦大如襍瞿塘不可觸太白詩五月不可觸猿鳴天  
上哀又詩瞿塘五月誰敢過灩澦大如馬瞿塘不可下  
杜子美詩沉牛荅雲雨如馬戒舟航灩澦大如象瞿塘  
不可上灩澦大如鼈瞿塘行舟絕灩澦大如龜瞿塘不

可窺南史灩澦如襍本不通瞿塘水退為庾公

天寶中京兆謠

前尹赫赫公尹允若後尹熙熙公尹允師

唐德宗建中初童謠

一隻筋兩頭朱五六月化為蛆朱泚以建中四年叛明  
年改號曰漢是歲六月

伏誅

唐德宗時詩詠

此水連涇水雙眸血滿川青牛逐朱虎方見太平年

唐元和初童謠

打麥麥打三三三舞了也舊唐書元和十年六月十日  
武元衡為盜所害之應本傳



日打麥謂打麥時也麥打謂暗中突擊也三三三  
三六月三日也既日舞了也謂元衡之卒也

唐憲宗時童謠

緋衣小兒坦其腹天上有口被驅逐

唐懿宗咸通七年童謠

草青青被嚴霜鵲始巢復看顛狂

唐咸通末成都童謠

咸通癸巳出無所之蛇去馬來道路稍開頭無片瓦地  
無殘灰

唐僖宗乾符中童謠後王仙芝反於曹州黃巢繼之

金色蝦蟆爭努眼翻却曹州天下反

唐僖宗中和中童謠

黃巢走秦山東死在翁家翁後黃巢入秦山至狼虎谷為其下林言所殺

梁朱溫蜀山謠五代史劉知俊初事梁太祖後奔蜀王建雖加寵任然亦忌之嘗謂

近侍曰劉知俊非爾輩能駕馭不如早為之所  
有嫉之者于闕里間作此謠知俊色黔丑生櫻  
繩者王氏子孫皆以承宗為名故以此疑忌之遂見殺于成都

黑牛出圈櫻繩斷朝野僉載云黑牛無

後梁秦隴間謠

貂貓引黑牛天差不自由但看戊寅歲場在蜀江頭朝

僉載曰竹鼯生於深山取之甚艱岐灤睡毗之間秦隴  
之地無遠近此物爭山或穿牖壞城或自門闥而入犬  
食不盡則並人人家房內秦民之口腹飫焉童謠云  
庚午歲劉知俊叛梁入秦天下破入蜀王建殺知俊粉



其骨揚人蜀江  
正戊寅之歲也

李後主時江南童謠南唐近事

索得娘來忘却家後園桃李不生花猪兒狗兒多死盡

養得猫兒患赤瘕娘謂再娶周后猪狗死謂盡戌亥年赤瘕日病猫有日病則不能捕鼠謂

不見兩子之年也

周廣順初江南伏龜山圮石函鐵銘其文云維天

八日葬寶公銘背有引云寶公得誦此偈大書于板曰中冓之人欲讀者必施數錢乃得讀訖即霽之是臣名臣陸倕王筠姚察而下皆莫知其旨或問之曰在五百年後卒乃鑄其偈同葬焉

莫問江南事江南事有憑乘雞登寶位跨犬出金陵子

建司南位安仁秉夜燈東鄰家道闕隨虎遇明興其後李煜

降于宋好事者云煜以丁酉年生辛酉年襲位即雞也開寶八年甲戌江南國滅是跨犬也子建曹彬也安仁潘美也其後太平興國戊寅吳越王錢俶舉國入朝即東鄰也家道闕無錢也隨虎戊寅年也

天祐中江南童謠江南野錄

東海鯉魚飛上天徐知誥冒姓李氏東海徐氏之望鯉其冒也

隴西謠

郎樞女樞十馬九駒安陽大角十牛九犢四地名皆在隴西言宜畜

牧也獄中無係囚舍內無青州假令家道乏腹內不懷

憂謠云云青州人惡俗蜀中掃地和尚謠王建據蜀之後有一僧常持大帚每過卽汎掃人以掃地和尚



水行仙怕秦川輒寫云云其後主衍秦州之禱人方悟水行仙衍字也

周顯德中齊州謠

踏陽春人間二月雨和塵陽春踏盡西風起腸斷人間白髮人

宋初五更謠

寒在五更頭宋始終凡三百十七年顯德庚申受命至德祐庚申凡五庚申是五更頭也

宋開寶初廣南謠開寶初廣南劉鋹令民間置

羊頭二四白天雨至後宋以辛未年二月四日擒鋹也防與房桶與統同音

宋皇祐中邕州謠

農家種糴家收時農智高反宣徽使狄青平之

皇祐中汾河謠東齊紀事

漢似胡兒胡似漢改頭換面總一般只在汾州洲子畔狄青汾河人以平儂智高功為樞密使疾之者欲以謠言中傷之范鎮曰此唐太宗殺李君羨上安肯為之

宋真宗時童謠

欲得天下寧須拔眼中丁欲得天下好無如召寇老一

宋元祐中童謠

大惇小惇殃及子孫大惇章惇小惇安惇也

宋元康末市井謠



喝道一聲下階齊脫了紅繡鞋後金人入汴宮人皆驅逐北行

宋欽宗時童謠

城門開言路閉城門閉言路開

宋紹興中鼎澧謠鼎澧間大盜夏誠劉衡楊公據洞庭湖自云後為岳飛所擒

若是欲我除是飛來

宋淳熙中梁宋間童謠

黃河災天水來時水決入汴梁宋間有此謠天水者宋姓也遺黎以為恢復之兆

淮西汪秀才歌野城狂生汪革謀不軌州兵入其家縛之

有介秀才姓汪騎介驪兒渡江江又過不得做盡萬千

趨躄

宋淳熙十四年都城市井歌

汝亦不來我家我亦不來汝家後紹熙二三年其事始應于兩宮

宋嘉定三年城都市井歌

東君去後花無主未幾景獻太子薨

宋淳熙末莎衣道人歌

胡孫死開啾啾也須還我一百州後金酋葛王死其孫環立不以序諸酋長

爭立內亂志士以不撫定為惜

宋季白雁謠

江南若破白雁來過後元將伯顏平江南

秦檜詐作瑞應



宋史長編云紹興中秦檜擅朝喜飾太平郡國多上草木禽鳥之瑞歲無虛月胡致堂所謂花卉可以染植增其態毛羽可以餵飼變其色上之人苟欲之則四面而至矣蓋指此也然觀小說所載紹興七年建康府寓旅家盆水有文如畫佳卉茂木華葉敷芬數日易以他水愈出愈奇盡春暄乃止又秀州呂氏家水瓦有文樓觀車馬人物並蒂芙蓉重夾牡丹長春萱草藤蘿經日不釋悉以瑞聞豈人有妖心而造物者亦為是以戲之乎

瑞應

序例曰凡瑞應自和帝以上政事多美近於有實故書

祥瑞見於某處自安帝以下王道衰缺容或虛飾故書某處上言也

元末真定童謠

塔兒白北人是主南人客塔兒紅南人來做主人公

元至正中大理童謠

莫道君為山海主山海笑咳園中花謝千萬朵別有

明主來

元至正中燕京童謠 三首

牽郎郎拽弟弟打破碗兒便作地 陰涼陰涼過河去

日頭日頭過山來 腳驢斑斑腳躡南山南山北斗養



活家狗家狗磨麪三十弓箭上馬琵琶下馬琵琶驢蹄馬蹄縮了一隻

元景州童謠

皇舅墓門閉運糧向北去皇舅墓門開運糧向南來

元明宗時童謠

牡丹紅禾苗空牡丹紫禾苗死明帝在位五年而崩廟諱乃和字也

元末湖湘中童謠

不怕水中魚只怕岸上猪猪過水見糠止

元末蘇州童謠

黃菜葉西風來便乾折今作癩黃菜葉皆張士誠用事者

洪武中童謠

鬍胖長官人不商量解縉奏疏云惟埋器悍之夫鬪茸下愚之輩朝捐刀鑼暮擁冠裳左

棄筐篋右符簪組剔履之賤袞繡巍峩負販之傭車馬赫奕賢者羞為之等列庸人患習其風流故有官人不商量做官沒盤纏之諺

周顛仙鄉諺常謠

世間甚磨動得人心只有胭脂脰粉動得婆娘嫂裏人

革除中童謠

烟烟北風吹上天團團旋窠裏亂北風來便吹散

正統中京師小兒禱雨謠

雨地雨地城隍土地雨若大來謝了土地水東日記云又有羣兒環



繞一人按月問云正月裏狼來咬羊齊拒之至八月則放狼入尤協後之驗也

正統乙巳童謠

牛兒呵莽著黃花地裏倘著你也忙我也忙伸出角來  
七尺長 清俊小後生青布衫白直身好个人屈死在  
鶴兒嶺

天順丁丑童謠

京城老米貴那里得飯廣鷺鷥冰上走何處尋魚賺范  
天順中名將于謙少保肅愍公也未幾范廣死謙遭石亨之患  
正德中川蜀童謠時有流賊藍廷瑞鄂老人之變  
流賊百姓歌之

強賊放火官軍搶火賊來梳我軍來飽我

正德北京童謠

馬倒不用喂鼓破不用張馬永成張永谷大用魏彬四官專權害政後皆廢出鼓即呼谷爲鼓云

嘉靖初童謠

前頭好個鏡後頭好個秤鏡也不曾磨秤也不曾定  
又

嘉靖二年半秣黍磨成麪東街咽瞪眼西街喫磨扇姐  
夫若要喫白麪只待明年七月半 太廟香爐跳午門  
石獅叫 好羣黑頭蟲一半變蛤蚧一半變人龍



